



05743

通志卷第四

宋 右 迪 功 郎 鄭 樵 乘 漁 仲 撰

秦紀第四

秦


臣謹按秦起於臯陶臯陶生伯益父子俱佐舜有功
 分土賜姓然後子孫蕃庶或於許或於英或於六至
 春秋而國祀猶存者德之所逮也由伯益至非子始
 號秦邑由非子至襄公始建國為諸侯司馬遷曰秦
 之先高陽氏之苗裔孫曰女脩女脩織元鳥隕卵而
 吞之生大業大業娶少典之子曰女華生大費與禹
 平水土有功舜賜以阜游曰爾後必大乃妻以姚姓
 之玉女大費拜受佐舜調馴鳥獸鳥獸多馴服是為
 柏翳舜賜姓嬴氏然元鳥隕卵之言恐因生商之事
 而訛也按地里志秦之先伯益助禹治水為舜虞官
 養草木鳥獸賜姓嬴柏翳即伯益音訛字異耳況少
 典在黃帝之前至大業六世猶娶其女乎遷之此言
 未可信也大費生二子一曰大廉實鳥俗氏二曰若
 木實費氏若木之元孫費昌去夏歸商為湯御以敗
 桀於鳴條大廉之元孫曰孟戲仲衍鳥身人言帝太
 戊聞而卜之使御吉遂妻之自太戊以下仲衍之後

通志

卷四

秦紀四

一



遂世有佐商之功嬴姓多顯其元孫曰仲湑在西戎保西垂生蜚廉蜚廉生惡來革惡來有力手裂虎兕蜚廉善走父子俱以材力事紂武王伐紂殺惡來是時蜚廉爲紂作石棺於北方還無所報爲壇霍太山而報得石棺銘曰帝令處父不與商亂賜爾石棺以華氏死遂葬於霍太山今晉州霍邑有此冢常祠之蜚廉之季子曰季勝生孟增孟增幸於周成王是爲宅臯狼臯狼生衡父衡父生造父造父以善御幸於周穆王得驥溫驪騊駼騄耳之駟

穆王八駿皆因其毛物以命此記不全

西巡狩樂而忘歸徐偃王作亂造父爲穆王御長

通志

卷四

秦紀四

二

驅歸周以救亂穆王以趙城封造父由此爲趙氏自蜚廉生季勝以下五世至造父別居趙趙衰其後也惡來之子曰女防生旁臯旁臯生太几太几生大駱大駱生非子

秦非子始以造父之寵蒙趙城姓趙氏居犬邱

今槐里也好

馬及畜善養息之周孝王召使主馬于汧渭之間馬大蕃息孝王欲以非子爲大駱適嗣大駱娶申侯之女生成爲適申侯言於孝王曰昔我先驪山之女爲戎胥軒妻生仲湑以親故歸周保西垂西垂以睦今我復與大駱妻生適子成申駱重婚西戎皆服所以爲王室也王

其圖之孝王曰昔柏翳爲舜主畜畜多息故有土賜姓
嬴今其後亦爲朕息馬朕其分土爲附庸邑之秦

天水隴西

縣舊有秦亭

使復續嬴氏祀號曰秦嬴亦不廢大駱之適以

和西戎秦嬴生秦侯秦侯立十年卒生公伯公伯立三年卒生秦仲

秦仲三年周厲王無道西戎叛王室滅大駱之族于犬
邱宣王卽位乃以秦仲爲大夫討西戎爲戎人所殺秦
仲立二十三年死於戎難

莊公者秦仲之長子也秦仲有子五人宣王俱召之而
授以兵七千人使伐西戎破之復其先大駱地宣王以

通志

卷四

秦紀四

三

莊公爲西垂大夫居故犬邱生三子長子世父曰戎殺
我大父我非殺戎王不敢入邑讓其弟襄公爲太子自
將兵擊西戎莊公立四十四年卒

襄公二年戎圍犬邱世父擊之爲戎人所虜歲餘復歸
世父七年西戎犬戎與申侯伐周殺幽王驪山下襄公
救周有功周避犬戎難東徙洛邑襄公以兵送周平王
王封襄公爲諸侯賜之岐以西之地曰戎爲不道侵我
岐豐秦能逐戎卽有其地與誓封爵之襄公於是始建

國與諸侯通使聘享之禮乃用駟駒黃牛羝羊各三祠

上帝西時

年表云西時祠白帝

十二年伐戎至岐卒葬西垂子文

公立

文公三年以兵七百人東獵四年至汧渭之會曰昔周
邑我先秦嬴於此卒為諸侯乃卜居之吉即營而邑之

十年初為鄜時鄜屬馮翊用三年十三年初有史以紀事十

六年公伐戎敗走於是取周餘民略地至岐岐以東
獻之周十九年得陳寶二十年法初有三族之罪二十

七年伐南山大梓豐大特今武都故道有怒特祠圖大牛上生樹本有牛從樹中出

後見於豐 四十八年太子卒諡靖公五十年文公卒葬

西山西山在今隴西之西縣靖公靖公子立是為寧公

寧公二年徙居平陽徐廣曰鄆之平陽亭遣兵伐蕩社三年與亳

通志 卷四 秦紀四 四

戰亳王奔戎遂滅蕩社亳蕩舊都以戎人居之為亳王故其邑名蕩社也四年

魯公子翬弑其君隱公十二年伐蕩氏取之寧公或作憲公

生十歲立立十二年卒葬西山有子三人長武公為太

子次德公德公母弟出子公之卒也大庶長弗忌威壘

參父等共廢太子而立出子為君

出子六年參父等復令人賊殺出子出子生五歲立立

六年遇害參父等乃復立故太子武公

武公元年伐彭戲氏至于華山下居平陽封宮三年誅

三庶長夷三族以其殺出子故也十年伐邽冀戎初縣

之邽屬隴西 十一年初縣杜鄭京兆有杜縣鄭縣 滅小虢虢在雍州

十三年齊管至父連稱等弑其君襄公而立公孫無知
雍廩殺無知管至父等而立桓公十九年晉曲沃伯始
為晉侯齊桓公會于鄆始伯諸侯二十年卒葬雍平陽
或曰葬宣陽聚東南初以人從死蓋六十有六人焉子
白不立封平陽立其弟德公

德公元年初居雍城

雍今鳳翔治

大鄭宮以犧三百牢祠廊

時卜居雍後子孫飲馬於河梁伯芮伯來朝二年初伏

周時無伏至此乃有

以狗禦蠱

謂初作伏祠社磔狗邑四門也

德公生三十三歲

而立立二年卒葬咸陽三子長宣公次成公季穆公

宣公居陽宮初志閏月元年衛燕伐周出惠王立王子

通志

卷四

秦紀四

五

頽三年鄭虢殺子頽入惠王四年作密時十二年卒有
子九人莫適立立其弟成公

成公元年梁伯芮伯來朝齊桓公伐山戎次于孤竹四
年卒葬陽有子七人莫適立立其弟穆公

穆公任好元年自將伐茅津勝之四年逆婦于晉晉太
子申生姊也其歲齊桓公伐楚至召陵五年晉獻公滅
虞虢虜虞君與其大夫百里奚以為秦穆夫人媵於秦

百里奚亡秦走宛楚鄙人執之穆公聞其賢欲重贖之

恐楚不與乃使人謂楚曰吾媵臣百里奚在焉請以五

羖羊皮贖之楚人遂與之時百里奚年七十餘穆公釋

其囚與語國事謝曰亡國之臣何足問穆公曰虞君不用子故亡非子罪也語三日穆公大說授以國政號曰五穀大夫百里奚讓曰臣不及臣之友蹇叔蹇叔之賢世莫之知臣嘗游困於齊乞食餒人蹇叔收臣臣因欲事齊君無知蹇叔止臣臣得脫齊難遂之周王子顏好牛臣以養牛干之及顏欲用臣蹇叔止臣臣去得不誅事虞君蹇叔止臣臣知虞君不用臣臣誠私利祿爵且畱再用其言得脫一不用及虞君難是以知其賢於是穆公使人厚幣迎蹇叔以爲上大夫或言禽息薦百里

奚不見納穆公出禽息當車以頭擊闐腦乃播出穆公

通志

卷四

秦紀四

六

感悟而用百里奚秋穆公自將伐晉戰於河曲晉驪姬作亂太子申生死焉公子重耳夷吾出奔九年齊桓公會諸侯于葵邱晉獻公卒荀息立驪姬之子奚齊里克殺之又立卓子又殺之夷吾請於秦以求入晉穆公許之使百里奚將兵送之夷吾曰誠得立請割河西八城與秦及已立乃背約十二年晉饑請糴于秦秦以百里奚公孫支之言與之粟十四年秦饑請糴于晉以魏射之言遂閉之糴十五年晉惠公夷吾因秦饑伐之戰於韓穆公爲晉君所圍於是岐下食馬者三百人馳冒晉軍晉圍解遂脫穆公而反生得晉君初穆公亡善馬岐

下野人共得而食之者三百餘人吏逐得欲法之穆公曰君子不以畜產害人吾聞食善馬肉不飲酒傷人乃皆飲之酒而赦之故三百人報食馬之德穆公既獲晉君將以祠上帝穆公夫人夷吾姊也襄絰跣行而請乃赦之既而歸晉君晉乃獻河西之地而使太子圍爲質於秦是時秦地東至河十八年齊桓公卒二十年秦滅梁芮晉太子圍逃歸晉二十三年晉惠公卒子圍立是爲懷公秦怨子圍亡去乃迎公子重耳於楚入之晉二十四年重耳立是爲文公文公殺子圍二十五年秦晉合兵入周襄王二十八年晉文公敗楚於城濮三十年

通志

卷四

秦紀四

七

穆公助晉圍鄭鄭使人言於穆公曰亡鄭厚晉於秦何利穆公乃罷兵歸晉亦罷三十二年晉文公卒鄭人有賣鄭於秦曰我主其城門鄭可襲也穆公問蹇叔百里奚對曰徑數國千里而襲人未聞可也穆公曰吾已決矣遂發兵使百里奚之子孟明視蹇叔之子西乞術及白乙丙將兵行明年春秦兵遂東鄭有備遂滅滑滑晉邊邑也是時晉文公未葬襄公遂墨衰絰發兵遮秦兵於殽擊之大破秦軍無一人得脫者虜秦三將以歸晉文公夫人秦穆公之女也爲秦三囚將請乃得歸穆公素服郊迎嚮三人哭曰孤以不用百里奚蹇叔言以辱

三子三子何罪乎皆復其位三十四年楚太子商臣弑其父成王代立穆公使孟明視等將兵伐晉戰于彭衙秦不利引兵還戎王使由余於秦由余其先晉人也能晉言聞穆公賢故使之觀秦秦穆公示以宮室積聚由余曰使鬼爲之則勞神矣使人爲之亦苦民矣穆公怪之問曰中國以詩書禮樂法度爲政然尙時亂今戎夷無此何以爲治由余笑曰此乃中國所以亂也夫自上聖黃帝作爲禮樂法度身以先之僅以小治及其後世日以驕淫阻法度之威以督責於下下罷極則以仁義怨望於上上下交爭怨而相篡弑至於滅宗皆以此類

通志

卷四

秦紀四

八

也夫戎夷不然上含淳德以遇其下下懷忠信以事其上一國之政猶一身之治不知所以治此真聖人之治也穆公退而問內史廖曰孤聞鄰國有聖人敵國之憂也今由余賢寡人之害柰何廖曰戎王居僻匿未聞中國之聲君試遺其女樂以奪其志爲由余請以疏其閒而莫遣以失其期戎王必疑由余君臣有閒乃可虜也穆公曰善因與由余曲席而坐傳器而食問其地形與其兵勢盡察其後令內史廖以女樂二八遺戎王戎王受而說之終年不還於是秦乃歸由余由余數諫不聽穆公又數使人閒要由余由余遂去降秦穆公以客

禮禮之間伐戎之形三十六年穆公益厚孟明等三將復使伐晉渡河焚舟大敗晉人取王官及鄙以報殺之役晉人皆城守不敢出於是穆公乃自茅津渡河封穀中尸爲發喪哭之三日乃誓於軍曰嗟士卒聽無譁予誓告汝古之人謀黃髮番番則無所過以申思不用蹇叔百里奚之言故作此誓以記余過君子聞之皆爲垂涕曰嗟乎秦穆公之與人周也卒得孟明之慶三十七年秦用由余之謀伐戎益國十二開地千里遂霸西戎天子使召公過賀穆公以金鼓三十九年穆公卒葬雍

皇覽曰秦穆公冢在橐泉宮祈年觀下

從死者百七十七人秦之良臣子

通志

卷四

秦紀四

九

輿氏之子三人曰奄息仲行鍼虎與焉秦人哀之爲賦黃鳥穆公之子四十人太子罃立是爲康公

康公居雍高寢十二年卒葬均社子共公立

共公居雍高寢三年楚彊大莊王北兵至洛問周鼎輕

重五年卒葬康公南子桓公立

桓公居雍太寢七年楚莊王服鄭敗晉師于河上是時

楚霸會諸侯而盟二十七年卒葬義里邱北子景公立

景公居雍高寢是時晉悼公爲盟主三十九年楚靈王

爲盟主會諸侯于申四十年卒葬邱里南子哀公立

哀公或作畢公八年楚公子棄疾弑靈王自立是爲平王十

一年平王爲太子建娶秦女好遂自娶之十五年楚平王欲誅建建亡伍子胥奔吳三十一年吳王闔閭與伍子胥伐楚楚王亡奔隨吳遂生郢楚大夫申包胥來告急七日不食日夜哭於秦庭哀公發兵五百乘救楚敗吳師楚昭王乃復入郢哀公三十六年卒葬車里北太子夷公早死立夷公之子是爲惠公

惠公元年魯侯會齊侯于夾谷孔子行相事齊人歸魯鄆謹龜陰之田十年惠公卒葬車里東其子悼公立

悼公二年齊田乞弑其君孺子立其兄陽生爲悼公六年齊人弑悼公立其子簡公九年晉定公與吳王夫差

通志

卷四

秦紀四

十

會盟于黃池爭長吳人曰於周室我爲長晉人曰於姬姓我爲伯乃先晉人吳疆陵中國六月越入吳十年齊田恆弑簡公立其弟平公是歲魯西狩獲麟十二年孔子卒十四年悼公卒葬僖公西城雍子厲共公立或作刺龔公

厲共公二年蜀人來納賂十六年灃河旁以兵二萬伐大荔取其王城臨晉有王城二十一年初縣頻陽在馮翊晉取

武成二十四年晉韓趙魏共殺智伯分其地三十三年伐義渠虜其王三十四年厲共公卒葬入里子躁公立躁公居受寢二年南鄭反十三年義渠來伐至渭南十

四年躁公卒葬悼公南立其弟懷公

懷公四年庶長黷與大臣圍公公自殺葬櫟圍氏太子昭子早死立昭子之子靈公

或作肅靈公

靈公居涇陽十三年城籍姑或曰靈公享國十年卒葬悼公西子獻公不得立立靈公季父悼子是爲簡公簡公昭公之弟而懷公子也從晉來六年令吏初帶劍澧洛城重泉十六年公卒或云享國十五年葬僖公子惠公立

惠公十三年伐蜀取南鄭卒葬陵園子出子立

出子二年庶長改迎靈公之子獻公于河西而立之殺

通志

卷四

秦紀四

七

出子及其母沈之淵旁秦以數易君君臣乖亂故晉復彊奪秦河西地

獻公元年止從死二年城櫟陽徙都之

今萬年縣

十一年周

太史儋見獻公曰周故與秦國合而別別五百歲復合合七十七歲而霸王出六年桃冬花十八年雨金櫟陽二十一年與晉戰于石門斬首六萬天子賀以黼黻二十三年與晉魏戰于少梁虜其將公孫痤二十四年獻公卒葬囂圍子孝公立

孝公元年河山以東疆國六齊威楚宣魏惠燕悼韓哀趙成侯竝淮泗之間小國十餘楚魏與秦接界魏築長

城自鄭濱洛以北有上郡楚自漢中南有巴黔中周室微諸侯力政秦僻在雍州不與中國諸侯之會盟夷翟遇之孝公於是布德惠賑孤寡招戰士明功賞下令國中曰昔我穆公自岐雍之間修德行武東平晉亂以河爲界西霸戎翟廣地千里天子致伯諸侯畢賀爲後世開業甚光美會往者厲躁簡公出子之不寧國家內憂未遑外事三晉攻奪我先君河西地諸侯卑秦醜莫大焉獻公卽位鎮撫邊境徙治櫟陽且欲東伐復穆公之故地修穆公之政令寡人思念先君之意常痛於心賓客羣臣有能出奇計彊秦者吾且尊官與之分土於是

通志

卷四

秦紀四

三

乃出兵東圍陝城斬戎之獮王衛鞅聞是令下西入秦因景監求見孝公二年天子致胙三年鞅說孝公變法修刑內務耕稼外嚴戰死之賞罰孝公善之甘龍杜摯等哂然相與爭之卒用鞅法百姓苦之居三年百姓便之乃拜鞅爲左庶長七年與魏惠王會杜平八年與魏戰元里有功十年鞅爲大良造將兵圍魏安邑降之十二年作爲咸陽築冀闕秦徙都之并諸小鄉聚集爲大縣縣一令漢書百官表曰縣令長皆秦官萬戶以上爲令秩千石至六百石減萬戶爲長秩五百石至三百石皆有丞尉四十一縣爲田開阡陌東地渡洛十四年初爲賦十九年天子致伯二十年諸侯畢賀秦使公子少

官率師會諸侯于逢澤朝天子二十二年衛鞅擊魏虜
魏公子卬封鞅爲列侯號商君孝公卒或曰孝公十三
年始都咸陽享國二十四年卒葬圍子惠文君立初鞅
爲秦行法法不行太子犯禁鞅曰法之行自貴戚始君
欲必行法莫先於太子太子不可黥黥其傳師於是無
敢犯者秦人以治及孝公卒太子立宗室多怨鞅鞅亡
因以爲反而卒車裂以徇秦國

惠文君元年楚韓趙蜀人來朝二年天子賀三年王冠
四年天子致文武胙五年陰晉人犀首爲大良造六年

魏納陰晉七年公子卬與魏戰虜其將龍賈斬首八萬

通志

卷四

秦紀四

三

八年魏納河西地九年渡河取汾陰皮氏與魏王會應
圍焦降之十年張儀相秦魏納上郡十五縣十一年縣
義渠歸魏焦曲沃義渠君爲臣十二年初臘十三年四
月戊午始稱王魏韓皆爲王十四年更爲元年三年韓
魏太子來朝張儀相魏七年樂池相秦韓趙魏燕齊帥
匈奴共攻秦使庶長疾與戰于脩魚虜其將申差斬首
八萬八年張儀復相秦九年司馬錯伐蜀滅之伐取趙
中都西陽十年韓太子來質伐取韓石章伐敗趙將泥
伐取義渠二十五城十一年樛里疾攻魏焦降之敗韓
岸門斬首萬公子通封於蜀十二年王與梁王會臨晉

庶長疾攻趙虜趙將莊十三年庶長章擊楚於丹陽虜
其將屈丐斬首八萬又攻楚漢中取地六百里置漢中
郡十四年伐楚取召陵丹犁臣蜀相壯殺蜀侯來降惠
王卒或曰惠文王享國二十七年卒葬公陽子武王立
武王元年與魏惠王會臨晉誅蜀相壯張儀魏章皆東
出之魏伐義渠丹犁二年初置丞相以樗里疾甘茂爲
左右丞相張儀死於魏三年與韓襄王會臨晉外樗里
疾相韓武王謂甘茂曰寡人欲容車通三川窺周室死
不恨矣其秋使甘茂庶長封伐宜陽四年拔之斬首六
萬涉河城武遂魏太子來朝王有力好戲力士任鄙烏
獲孟說皆至大官王與孟說舉鼎絕臄八月武王死族
孟說鼎者龍文赤鼎也或曰武王享國四年葬永陵武
王取魏女爲后無子立異母弟瑕爲昭襄王

昭襄王母曰宣太后楚芊氏也武王死時昭襄王爲質
於燕燕人送歸得立宣太后弟魏冉自惠文王時用事
力能立王元年王以冉爲將軍衛咸陽嚴君疾爲相甘
茂出之魏二年彗星見庶長壯與大臣諸公子謀爲亂
魏冉誅之王年少太后臨朝冉任政封穰侯三年王冠
與楚王會黃棘與楚上庸四年取蒲阪彗星見五年魏
王來朝應亭復與魏蒲阪六年蜀侯輝反司馬錯定蜀

庶長奐伐楚斬首二萬日食晝晦七年拔新城樗里疾卒魏冉爲相八年使將軍芊戎攻楚取新市九年孟嘗君薛文來相秦奐攻楚取八城殺其將景快十年楚懷王不用昭睢言而會秦王至咸陽朝章華臺如蕃臣禮因畱之薛文以受金免樓緩爲丞相十一年齊韓魏趙宋中山五國共攻秦至鹽氏而還秦與韓魏河北及封陵以和楚懷王亡歸秦遮楚道乃之趙趙不敢納欲走魏秦追及之以歸懷王發病死楚人憐之諸侯不直秦十二年樓緩免穰侯魏冉爲相予楚粟五萬石十三年向壽伐韓取武始左更白起攻新城任鄙爲漢中守十

通志

卷四

秦紀四

七

四年左更白起將兵大破韓魏之師于伊闕斬首二十四萬虜公孫喜拔五城十五年白起爲大良造將兵攻魏取垣復予之攻楚取宛十六年左更錯取軹及鄧冉免封冉陶爲諸侯十七年魏入河東地四百里韓入武遂地二百里東周君來朝十八年客卿錯伐魏至軹取城大小六十一十九年王爲西帝齊爲東帝皆復去之二十一年司馬錯攻魏魏獻安邑及河內秦出其人募徙河東賜爵赦罪人遷之二十二年蒙武伐齊取列城九與楚王會宛與趙王會中陽二十三年尉斯離與三晉燕伐齊破之濟西王與魏王會宜陽與韓王會新城

二十四年與楚王會鄢又會穰魏冉免相二十五年拔
趙二城與韓王會新城與魏王會新明邑二十六年赦
罪人遷之穰侯免復相二十七年白起攻趙取代光狼
城司馬錯攻楚黔中拔之二十八年大良造白起攻楚
取鄢鄧赦罪人遷之二十九年白起攻楚取郢爲南郡
楚王走王與楚王會襄陵白起爲武安君三十年蜀守
若伐取巫郡及江南爲黔中郡三十一年白起伐魏取
兩城楚人反我江南三十二年穰侯攻魏至大梁破暴
鳶斬首四萬鳶走魏入三縣請和三十三年客卿胡傷

攻魏卷蔡陽長社取之擊芒卯華陽破之斬首十五萬

通志

卷四

秦紀四

七

魏入南陽以和三十五年初置南陽郡三十七年客卿
竈攻齊取剛壽滅義渠以范雎爲客卿三十八年中更
胡傷攻趙閼與不能取四十一年夏攻魏取邗邱懷廢
宣太后逐穰侯以范雎爲丞相封應侯四十二年安國
君爲太子宣太后薨葬芷陽酈山四十三年武安君白
起攻韓拔九城斬首五萬四十四年攻韓南郡取之四
十五年五大夫賈攻韓取十城四十七年秦攻韓上黨
上黨降趙秦因攻趙趙發兵擊秦相距秦使武安君白
起大破趙於長平殺趙括阬趙降卒四十餘萬人四十
八年十月韓獻垣雍秦分三軍武安君歸王齮將伐趙

武安皮牟拔之司馬梗北定太原盡有韓上黨又使五大夫陵攻趙邯鄲四十九年以王翦代陵將五十年武安君白起有罪誅翦圍邯鄲不拔走還初作河橋五十年將軍嫪攻趙取二十餘縣首虜九萬西周君背秦與諸侯約從將天下銳兵出伊關攻秦秦使將軍嫪攻西周西周君走來自歸盡獻其邑秦受其獻而歸其君於周五十二年取周九鼎寶器以入于秦周初亡應侯免以蔡澤相五十三年天下來賓魏後秦使嫪伐魏取吳城魏委國聽令五十四年郊見上帝於雍邱五十六年秋昭襄王卒葬芷陽子安國君柱立是爲孝文王

通志

卷四

秦紀四

七

孝文王立尊唐八子爲唐太后

八子者妾勝之號

而合葬於先

王初華陽夫人無子呂不韋說令立夏姬之子子楚爲嗣以自託華陽夫人從之及孝文王卽位子楚爲太子孝文王除喪十月己亥卽位三日辛丑卒或云享國一年卒葬壽陵太子子楚立是爲莊襄王

莊襄王元年大赦罪人修先王功臣施德澤厚骨肉而布惠於民以呂不韋爲相國封文信侯食河南十萬戶初呂不韋爲賈人問其父曰商賈之利幾倍父曰十倍田蠶之利幾倍父曰百倍販國賣君幾倍父曰無倍數後不韋賈邯鄲見子楚爲質於趙曰此奇貨也可居時

子楚居處困不得志不韋乃進五百金與子楚復以五百金爲西說華陽夫人故得爲嗣不韋有愛姬子楚慕之妾謂不韋曰妾始有孕而人未知公若以妾獻子楚幸而生男卽公之子爲秦王也不韋從而獻之以秦昭王薨遂卽位東周君與諸侯謀秦秦使呂不韋誅之盡入其國秦不絕其祀以陽人地賜周君奉其先祀陽人今汝南之梁縣也使蒙鶩伐韓韓獻成臯鞏秦界至大梁初置三川郡二年蒙鶩攻趙定太原三年蒙鶩攻魏高都汲拔之攻趙榆次新城狼孟取三十七城四月日食四年王翦攻上黨初置太原郡魏將無忌率五國兵攻秦秦却於河外蒙鶩敗解而去莊襄王卒或云享國三年葬蒞陽太子政立是爲始皇帝

通志

卷四

秦紀四

六

臣謹按太史公曰秦之先爲嬴姓其後分封以國爲姓有徐氏郟氏莒氏終黎氏運奄氏菟裘氏將梁氏黃氏江氏脩魚氏白冥氏蜚廉氏秦氏秦以其先造父封趙城爲趙氏然徐郟莒江黃秦趙以國爲氏者終黎菟裘以邑爲氏者蜚廉以名爲氏者司馬遷不通姓氏學皆謂以國爲姓況此皆氏也不可以言姓氏則嬴也

始皇帝名政虎口日角大目長八尺六寸年十三卽位
王年尙少國事皆決於大臣呂不韋爲相李斯爲舍人
蒙驁王齮庶公等爲將軍當是時秦地已并巴蜀漢中
越宛有郢置南郡矣北收上郡以東有河東太原上黨
郡東至滎陽滅二周置三川郡呂不韋招賓客致游士
欲以并天下二年庶公將卒攻卷斬首三萬三年蒙驁
攻韓取十三城王齮死蒙驁攻魏四年拔二城十月庚
寅蝗從東方來蔽天下疫民內粟千石拜爵一級五
年蒙驁攻魏取二十城初置東郡冬雷六年諸侯患秦
攻伐不已韓魏趙衛楚五國共伐秦春申君爲從長至

通志

卷四

秦紀四

七

函谷秦出兵擊之五國皆敗走秦遂伐魏取朝歌拔衛
濮陽衛君角率其支屬徙居野王阻山以保魏之河內
七年彗星先出東方見北方五月見西方夏太后死八
年呂不韋舍人嫪毐有寵太后封以太原爲長信侯與
山陽地令毐居之宮室車馬衣服苑囿馳獵恣毐事無
大小皆取決焉九年彗星見或竟天攻魏垣蒲陽四月
上宿雍已酉王冠帶劍時年二十二嫪毐事覺作亂矯
王御璽太后璽發縣卒及衛卒官騎戎翟君公舍人將
攻斬年宮宮在雍王知之令相國昌平君發卒攻毐戰咸
陽毐敗走捕得毐等二十人皆梟首車裂以徇滅其宗

及其舍人輕者爲鬼薪

取薪給宗廟也律曰鬼薪作二歲

及奪爵遷蜀

四千餘家家房陵遷太后于雍四月寒有凍死者楊端和攻衍氏彗星見西方又見北方從斗以南八十十年相國呂不韋坐嫪毐毒免相桓齮爲將軍齊趙來置酒齊人茅焦說王曰秦方以天下爲事而大王有遷母之名恐諸侯聞之由此倍秦也王乃迎太后於雍入咸陽復居甘泉宮立茅焦爲傅爵之上卿太后大悅曰安秦社稷使妾母子相見者茅君之力也大索逐客李斯上書乃止斯因說秦王請先取韓以恐他國乃使斯下韓韓王忠之與韓非謀弱秦大梁人尉繚來說秦王曰以

通志

登四

秦紀四

十

秦之彊諸侯譬如郡縣之君臣但恐諸侯合從翕而出不意此乃智伯夫差湣王之所以亡也願大王母愛財物賂其豪臣以亂其謀不過亡三十萬金則諸侯可盡王從其計見尉繚亢禮衣服飲食與繚同繚曰秦王爲人蜂準長目摯鳥膺豺聲少恩而虎狼心居約易出人下得志亦輕食人我布衣也然見我常身自下我誠使秦王得志於天下天下皆爲虜矣不可與久遊乃亡去秦王覺固止之以爲秦國尉卒用其計策而李斯用事十一年王翦桓齮楊端和攻鄴取九城王翦攻闕與嶧陽取鄴安陽十二年呂不韋奪爵徙蜀飲鴆而死十三

年桓齮攻趙平陽殺其將扈輒斬首十萬王之河南正月彗星見東方十四年桓齮攻趙取宜安平陽武城韓非使秦秦用李斯謀留非非死雲陽韓王請爲臣十五年大興兵一軍至鄴一軍至太原取狼孟地動十六年韓獻南陽地初令男子書年魏獻地於秦秦置麗邑十七年內史騰攻韓得韓王安盡納其地爲潁川郡地動華陽太后卒十八年大興兵攻趙十九年王翦羌廙盡定趙地得趙王秦王之邯鄲諸嘗與王生趙時母家有仇怨者皆阬之王歸母太后崩趙公子嘉率其宗族數百人之代自立爲代王東與燕合兵軍上谷二十年燕太子丹患秦兵且至乃使荆軻刺秦王不中體解軻以徇王翦辛勝攻燕破燕軍易水之西二十一年王賁攻薊乃益發卒詣王翦軍遂破燕太子軍取燕薊城燕王走保遼東斬太子丹之首以獻王賁伐楚取十餘城欲遂滅之王翦曰楚地廣民衆非六十萬人不可王以爲怯翦謝病老歸二十二年王賁伐魏引河溝灌大梁城壞魏王假降殺之而盡取其地二十三年復召王翦彊起之使將六十萬人擊楚取陳以南至平輿楚悉兵以逆王翦閉壘不戰楚引兵而東乃追擊大破之至蘄南殺其將項燕翦乘勝略定楚地虜楚王負芻二十五年

通志

卷四

秦紀四

三

使王賁伐遼東虜燕王喜還擊代虜代王嘉王翦遂定

楚江南地降越君置會稽郡五月天下大酺酺音蒲文穎曰周禮

族師掌春秋祭酺爲人物災害之神蘇林二十六年將

日陳曹俗三月上巳日水上飲食爲酺焉

軍王賁從燕南攻齊入臨淄王建降遂滅齊秦初并天

下令丞相御史曰異日韓王納地效璽請爲藩臣已而

倍約與趙魏合從畔秦故興兵誅之虜其王趙王使其

相李牧來約盟故歸其質子已而倍盟反我太原故興

兵誅之得其王趙公子嘉乃自立爲代王故舉兵擊滅

之魏王始約服入秦已而與韓趙謀襲秦秦兵吏誅逐

破之楚王獻青陽以西已而畔約擊我南郡故發兵誅

得其王遂定楚地燕王昏亂其太子丹乃陰令荆軻爲

賊兵吏誅滅其國齊王用后勝計絕秦使欲爲亂兵吏

誅虜其王平齊地寡人以眇眇之身興兵誅暴賴宗廟

之靈六王咸服其辜天下大定今名號不更無以稱成

功傳後世其議帝號丞相綰御史大夫劫廷尉斯等皆

曰昔者五帝地方千里其外侯服夷服諸侯或朝或否

天子不能制今陛下興義兵誅殘賊平定天下海內爲

郡縣法令由一統自上古以來未嘗有五帝所不及臣

等謹與博士議曰古有天皇有地皇有秦皇秦皇最貴

臣等昧死上尊號王爲秦皇命爲制令爲詔天子自稱

通志

卷四

秦紀四

三

曰朕王曰去泰著皇采上古帝位號號曰皇帝他如議制曰可下有司曰制天子答之曰可追尊莊襄王爲太上皇制曰朕

聞太古有號毋諡中古有號死而以行爲諡如此則子議父臣議君也甚無謂朕弗取焉自今已來除諡法朕爲始皇帝後世以數計二世三世至于萬世傳之無窮始皇推終始五德之傳以爲周得火德秦代周德從所不勝方今水德之始改年始朝賀皆自十月朔衣服旌旄節旗皆尙黑數以六爲紀符法冠皆六寸而輿六尺乘六馬六尺爲步譙周曰步以人足爲數非獨秦制然更名河曰德水以爲水德剛戾事皆決於法刻削毋仁恩和義然後合五

通志

卷四

秦紀四

三

德之數於是急法久者不赦丞相綰等言諸侯初破燕齊楚地遠不爲置王毋以填之請立諸子羣臣皆以爲便廷尉李斯議曰周文武所封子弟同姓甚衆然後屬疏遠相攻擊如仇讎諸侯更相誅伐周天子弗能能止今海內賴陛下神靈一統皆爲郡縣諸侯諸子功臣以公賦稅重賞賜之甚足易制天下無異意則安寧之術也置諸侯不便始皇曰天下共苦戰鬪不休以有侯王

賴宗廟天下初定又復立國是樹兵也而求其寧息豈不難哉廷尉議是分天下以爲三十六郡三十六郡者

陽南郡九江鄱郡會稽潁川碭郡泗水薛郡東郡琅邪齊郡上谷漁陽古北平遼西遼東代郡鉅鹿邯鄲上黨

太原雲中九原鴈門上郡隴西北地漢中巴郡蜀郡置郡黔中長沙凡三十五與內史是爲三十六郡

守尉監守掌治郡尉佐守典武更名民曰黔首黔亦黎黑也

大酺收天下兵古者以銅爲兵聚之咸陽銷爲鐘鑪鑄金人十

二重各千石置廷宮中一法度衡石丈尺車同軌書同

文字地東至海暨朝鮮西至臨洮南至北嚮戶開北戶

北據河爲塞竝音旁陰山至遼東徙天下豪富於咸陽十

二萬戶諸廟及章臺上林皆在渭南秦每破諸侯寫放

其宮室作之咸陽北阪上在長安西北漢武帝別名渭城南臨渭自雍

門以東至涇渭殿屋複道周閣相屬所得諸侯美人鐘

鼓以充入之二十七年始皇巡隴西北地出雞頭山過

通志卷四秦紀四五

回中作信宮渭南已而更命信宮爲極廟象天極自極

廟道通酈山作甘泉前殿築甬道築垣牆如街巷自咸陽屬之

是茂賜爵一級治馳道秦爲馳道於天下東窮燕齊南極吳楚江湖之上濱海之觀畢

至道廣五十步三丈而樹厚築其外隱以金椎樹以青松二十八年始皇東行郡縣

上鄒嶧山立石與魯諸儒生議刻石頌秦德議封禪遂

上泰山立石封祠祀下風雨暴至休於樹下因封其樹

爲五大夫禪梁父刻所立石其辭曰皇帝臨位作制明

法臣下修飭二十有六年初并天下罔不賓服親巡遠

方黎民登茲泰山周覽東極從臣思述本原事業祇誦

功德治道運行諸產得宜皆有法式大義休明垂於後

世順承勿革皇帝躬聖既平天下不懈於治夙興夜寐
建設長利專隆教誨訓經宣達遠近畢理咸承聖志貴
賤分明男女禮順慎遵職事昭隔內外靡不清淨施於
後嗣化及無窮遵奉遺詔永承重戒於是乃竝渤海以
東過黃腫立石頌秦德而去南登琅邪大樂之畱三月
乃徙黔首三萬戶琅邪臺下復十二歲作琅邪臺立石
頌秦德明德意曰維二十六年皇帝作始端平法度萬
物之紀以明人事合同父子聖智仁義顯白道理東撫
東土以省卒士事已大畢乃臨於海皇帝之功勤勞本
事上農除末黔首是富溥天之下搏心壹志器械一量

通志

卷四

秦紀四

五

同書文字日月所昭舟輿所載皆終其命莫不得意應
時動事是維皇帝匡飭異俗陵水經地憂恤黔首朝夕
不懈除疑定法咸知所辟方伯分職諸治經易舉錯必
當莫不如畫皇帝之明臨察四方尊卑貴賤不逾次行
姦邪不容皆務貞良細大盡力莫敢怠荒遠邇辟隱專
務肅莊端直敦忠事業有常皇帝之德存定四極誅亂
除害興利致福節事以時諸產繁殖黔首安寧不用兵
革六親相保終無寇賊驩欣奉教盡知法式六合之內
皇帝之土西涉流沙南盡北戶東有東海北過大夏人
迹所至無不臣者功蓋五帝澤及牛馬莫不受德各安

其字維秦王兼有天下立名爲皇帝乃撫東土至于琅
耶列侯武城侯王離列侯通武侯王賁倫侯建成侯趙
亥倫侯昌武侯成倫侯武信侯馮毋擇丞相隗林丞相
王綰卿李斯卿王戊五大夫趙嬰五大夫楊樛從與議
於海上曰古之帝者地不過千里諸侯各守其封域或
朝或否相侵暴亂殘伐不止猶刻金石以自爲紀古之
五帝三王知教不同法度不明假威鬼神以欺遠方實
不稱名故不久長其身未歿諸侯倍叛法令不行今皇
帝并一海內以爲郡縣天下和平昭明宗廟體道行德
尊號大成羣臣相與誦皇帝功德刻于金石以爲表經

通志

卷四

秦紀四

三

既已齊人徐市等上書言海中有三神山名曰方丈蓬
萊瀛洲仙人居之請得齋戒與童男女求之於是遣徐
市發童男女數千人入海求仙人始皇還過彭城齋戒
禱祠欲出周鼎泗水使千人沒水求之弗得乃西南渡
淮水之衡山南郡浮江至湘山祠逢大風幾不得渡上
問博士曰湘君何神對曰堯之女舜之妻而葬此始皇
大怒使刑徒三千人皆伐湘山之樹赭其山乃自南郡
由武關歸二十九年始皇東游至陽武博狼沙中爲盜
所驚求弗得令天下大索十日登之罘刻石其辭曰維
二十九年時在中春陽和方起皇帝東游巡幸之罘臨

昭于海從臣嘉觀原念休烈追誦本始大聖作治建定
法度顯著綱紀外教諸侯光施文惠明以義理六國回
辟貪戾無馱虐殺不已皇帝哀衆遂發討師奮揚武德

義誅信行威燁旁達輝先善反莫不賓服烹滅彊暴振救黔

首周定四極普施明法經緯天下永爲儀則大矣哉宇

縣之中承順聖意羣臣誦功請刻于石表垂于常式其

東觀曰維二十九年皇帝春游覽省遠方逮于海隅遂

登之罘照臨朝陽觀望廣麗從臣咸念原道至明聖法

初興清理疆內外誅暴彊武威旁暢振動四極禽滅六

王闡并天下蓄害絕息永偃戎兵皇帝明德經理宇內

通志 卷四 秦紀四 七

視聽不怠作立大義昭設備器咸有章旗職臣遵分各

知所行事無嫌疑黔首改化遠邇同度臨古絕尤常職

既定後嗣循業長承聖治羣臣嘉德祇誦聖烈請刻之

罘旋遂之琅邪道上黨入三十年無事三十一年徐威曰此

年使黔首自實其田十二月更名臘曰嘉平太原真人茅盈內紀曰始皇三十一年九

月庚子盈曾祖父蒙於華山中乘雲駕龍白日昇天先

是邑中謠歌云神仙得者茅初成駕龍上昇入太清時

下元州戲赤城繼世而往在我盈帝若學之臘嘉平始

皇聞謠歌問其故父老具對云此仙人之謠也因勸始

皇求長生之術始皇欣然志黔首里六石米二羊始皇
於尋神仙遂改臘爲嘉平若微賤之行與武士四人俱夜出逢盜蘭
池見窘武士擊殺盜關中大索二十日米石千六百三

十二年始皇之碣石使燕人盧生求羨門

古仙人也

高誓刻

碣石門墮壞城郭決通隄防其辭曰遂興師旅誅戮無道爲逆滅息武殄暴逆文復無罪庶心咸復惠論功勞

賞及牛馬恩肥土域皇帝奮威德并諸侯初一秦平墮

壞城郭決通川防夷去險阻地勢既定黎庶無繇天下

咸撫男樂其疇女修其業事各有序惠被諸產久竝來

由草不安所羣臣誦烈請刻此石垂著儀矩又使韓終

侯公石生求仙人不死之藥始皇巡北邊從上郡入燕

人盧生使入海還以鬼神事因奏錄圖書曰亡秦者胡

也謂胡亥始皇乃使將軍蒙恬發兵三十萬北擊胡略取

通志

卷四

秦紀四

三

河南地三十三年發諸嘗逋亡人贅墻賈人略取陸梁

地爲桂林象郡南海以適徙民五十萬戍五嶺西北斥

逐匈奴自榆中竝河以東屬之陰山爲三十四縣城河

上爲塞又使蒙恬渡河取高闕陶山北假中築亭障以

逐戎人徙適實之長城之役起臨洮至遼東延袤萬餘

里暴師十餘年三十四年適治獄吏不直者築長城及

戍南越地始皇置酒咸陽宮博士七十人前爲壽僕射

周青臣

百官表曰僕射秦官古者重武官有主射者以督課之僕主也

進頌曰他時秦

地不過千里賴陛下神聖平定海內放逐蠻夷日月所

照莫不賓服以諸侯爲郡縣人人自安樂無戰爭之患

傳之萬世自古不及陛下威德始皇大悅博士齊人淳于越進曰臣聞殷周之王千餘歲封子弟功臣自爲枝輔今陛下有海內而子弟爲匹夫卒有田恆六卿之臣無輔拂何以相救哉事不師古而能長久者非所聞也今青臣面諛以重陛下之過非忠臣始皇下其議丞相李斯曰五帝不相復三代不相襲各以治非相反也時變異也今陛下創大業建萬世之功固非愚儒所知且越言乃三代之事何足法也異時諸侯竝爭厚招游學今天下已定法令出一百姓當家則力農工士則學習法令辟禁諸生不師今而學古以非當世惑亂黔首丞相臣斯昧死言古者天下散亂莫之能一是以諸侯竝作語皆道古以害今飾虛言以亂實人善其所私學以非上之所建立今皇帝并有天下別黑白而定一尊私學而相與非法教人聞令下則各以其學議之入則心非出則巷議夸主以爲名異取以爲高率羣下以造謗如此不禁則主勢降乎上黨與成乎下禁之便臣請史官非秦記皆燒之非博士官所職天下有藏詩書百家語者悉詣守尉雜燒之有敢偶語詩書棄市以古非今者族吏見知不舉者與同罪令下三十日不燒黥爲城

旦律說論決爲髡鉗輸邊築長城晝日所不去者醫藥

卜筮種樹之書若欲有學法令以吏爲師制曰可三十
五年除道道九原抵雲陽

九原縣隸五原郡
道九原通甘泉

塹山堙谷

千八百里直通之於是始皇帝以爲咸陽人多先王之
宮廷小吾聞六王都鄠武王都鎬鄠鎬之間帝王都也
乃營作朝宮渭南上林苑中先作前殿阿房東西五百
步南北五十丈上可以坐萬人下可以建五丈旗周馳
爲閣道自殿下直抵南山表南山之顛以爲闕爲複道
自阿房渡渭屬之咸陽以象天極閣道絕漢抵營室也
阿房宮未成欲更擇令名名之作宮阿房故天下謂
之阿房宮隱宮徒刑者七十餘萬人分作阿房宮或作

通志

卷四

秦紀四

三

麗山發北山石椁乃寫蜀荆地材皆至關中計宮三百
關外四百餘於是立石東海上胸界中以爲秦東門因
徙三萬家麗邑五萬家雲陽皆復不事十歲盧生說始
皇曰臣等來芝奇藥仙者常弗遇類物有害之者方中
人主時爲微行以辟惡鬼惡鬼辟真人至人主所居而
人臣知之則害於神真人者入水不濡入火不焚陵雲
氣與天地久長今上治天下未能恬淡願止所居宮毋
令人知然後不死之藥殆可得也始皇曰吾慕真人自
謂真人不稱朕乃令咸陽之旁二百里內宮觀二百七
十複道甬道相連帷帳鐘鼓美人充之各案署不移徙

行所幸有言其處者罪死始皇幸梁山宮從山上見丞相車騎衆弗善也中人或告丞相丞相後損車騎始皇怒曰此中人泄吾語案問莫服詔捕諸時在旁者皆殺

之是後莫知行之所在聽事羣臣受決事悉於咸陽宮

侯生

韓客也

盧生相與謀曰始皇爲人天性剛戾自用起

諸侯并天下意得欲從以爲自古莫已及專任獄吏博士雖七十人特備員弗用丞相諸大臣皆受成事倚辦於上樂以刑殺爲威天下畏罪持祿莫敢盡忠上不聞過而日驕下懼伏謾欺以取容秦法不得兼方不驗者輒死然候星氣者三百人皆良士畏忌諱諛不敢端言

通志

卷四

秦紀四

三

其過天下之事無大小皆決於上上至以衡石量書

石百

斤二十日夜有程不得休息貪於權勢至如此未可爲求

仙藥乃亡去始皇聞亡乃大怒曰吾前收天下書不中

用者盡去之悉召文學方術士甚衆文學欲以興太平方士欲以練求奇藥今聞韓衆去不報徐市等費以巨

萬計終不得藥徒姦利相告日聞盧生等吾待之甚厚

今乃誹謗以重吾不德也諸生在咸陽者吾使人廉問

或爲妖言以亂黔首於是使御史悉案問諸生諸生傳

相告引乃自除犯禁者四百六十餘人皆阬之咸陽使

天下知之以懲後益發謫徙邊始皇長子扶蘇諫曰天

下初定遠方黔首未集諸生皆誦法孔子今上皆重法
繩之臣恐天下不安始皇怒使扶蘇北監蒙恬於上郡
三十六年熒惑守心有星隕于東郡至地爲石黔首或
刻其石曰始皇死而地分始皇聞之遣御史逐問莫服
盡取石旁居人誅之因燔銷其石始皇不樂使博士爲
仙真人詩及行所游天下傳令樂人歌絃之秋使者鄭
客從關東夜過華陰平舒道有人素車白馬持璧遮使
者曰吾華山君願以此爲吾遺瀆池君因言曰今年祖
龍死祖人之先
龍君之象使者問其故因忽不見置其璧去使者
奉璧具以聞始皇默然良久曰山鬼固不過知一歲事

通志

卷四

秦紀四

三

也退言曰祖龍者人之先也使御府視璧乃二十八年
行渡江所沈璧也於是卜之卦得游徙吉三十七年十
月始皇出游左丞相斯從右丞相去疾守少子胡亥愛
慕請從上許之十一月行至雲夢望祀虞舜於九疑山
浮江下觀籍柯渡海渚過丹陽至錢唐臨浙江水波惡
乃西百二十里從狹中渡在餘杭也因始皇至
會稽經此立爲縣上會稽

祭大禹望于南海立石頌德還過吳從江乘渡竝海上
北至琅邪徐市等入海求仙藥數歲不得費多恐譴乃
詐曰蓬萊藥可得然常爲大鯨魚所苦故不得至願請
善射與俱見則以連弩射之始皇夢與海神戰如人狀

問占夢博士曰水神不可見以大魚鮫龍爲候此惡神當除去而善神可致乃令入海者齋捕魚具而自以連弩候大魚出射之自琅邪北至榮成山弗見至之罘見巨魚射殺一魚遂竝海西至平原津而病始皇惡言死羣臣莫敢言死事上病益甚乃爲書賜公子扶蘇曰與喪會咸陽而葬書已封在中車府令趙高行符璽事所未授使者七月丙寅崩於沙邱平臺在位三十七年年五十或云五十一

沙邱去長安二千餘里趙有此沙邱宮在鉅鹿武靈王之死處丞相

斯爲上崩在外恐諸公子及天下有變乃祕之不發喪

棺載輻涼車中故幸宦者參乘所至上食百官奏事如

通志

卷四

秦紀四

三

故宦者輒從輻涼車中可其奏事獨胡亥趙高所幸宦者五六人知上死趙高嘗教胡亥書及律令胡亥私幸之高乃與公子胡亥丞相李斯陰謀破去始皇所封書賜扶蘇者而更詐爲丞相斯受遺詔立胡亥爲太子更爲書賜扶蘇蒙恬罪數以罪賜死行從井陘抵九原會天大暑輻涼車臭乃詔從官令車載一石鮑魚以亂其臭行從直道至咸陽發喪胡亥襲位爲二世皇帝九月葬始皇鄜山始皇初卽位穿治鄜山及并天下天下徒送詣七十餘萬人穿三泉下銅

銅作銅錫鑄塞

而致椁宮觀百

姓奇器珍怪徙藏滿之令匠作機弩矢有所穿近者輒

射之以水銀爲百川江河大海機相灌輸上具天文下具地理以人魚膏爲燭人魚似鮎魚四脚度不滅者久之後宮非有子者皆令從死死者甚衆或言工匠爲機藏皆知之藏重卽泄大事畢已藏閉中羨下外羨門盡閉工匠藏者無復出者樹草木以象山

臣謹按皇覽曰始皇墳高五十餘丈周回五里餘又按太原真人茅盈內紀曰始皇三十一年九月庚子盈曾祖父蒙乃於華山之中乘雲龍駕白日升天先是其邑謠歌曰神仙得者茅初成駕龍上昇入太清時下元洲戲赤城繼世而往在我盈帝若學之臘嘉平始皇聞謠而問其故父老具對此仙人之謠勸帝求長生之術始皇欣然乃有尋仙之思因改臘曰嘉平

又按始皇名爲政徐廣曰一作正宋忠云以正月旦生故名正又按司馬遷云始皇姓趙氏此不達姓氏之言也凡諸侯無氏以國爵爲氏其支庶無國爵則稱公子公子之子則稱公孫公孫之子無所稱焉然後以王父字爲氏或分邑者則以邑爲氏或言官者則以官爲氏凡爲氏者不一今秦氏自非子得邑則以秦邑爲氏及襄公封國則以秦國爲氏相傳至於

通志

卷四

秦紀四

五

始皇亦如商周相傳至湯武豈有子湯姬發之稱乎
若趙氏者自造父獲封趙城爲趙氏其後微弱而邑
於晉則以趙邑爲氏及三分晉國則以趙國爲氏豈
有秦國之君而以趙國爲氏乎漢魏以來與此道異
遷漢人但知漢事而已

二世皇帝始皇第十八子也元年詔議增始皇寢廟犧
牲及山川百祀之禮羣臣皆頓首言曰古者天子七廟
諸侯五大夫三雖萬世不軌毀今始皇爲極廟四海之
內皆獻貢職增犧牲禮咸備無以加先王廟或在西雍
或在咸陽天子儀當親奉酌祠始皇廟自襄公已下軌

通志

卷四

秦紀四

三

毀所置凡七廟羣臣以禮進祠宜尊始皇廟爲帝者祖
廟時趙高爲郎中令獨用事二世與高謀曰朕年少初
卽位黔首未附先帝巡行郡縣以示彊威服海內今晏
然不巡行卽見弱毋以臣畜天下春遂東行郡縣李斯
從到碣石竝海南至會稽而盡刻始皇所立列石以章
先帝成功盛德遂至遼東而還二世陰與趙高謀曰大
臣不服官吏尙彊及諸公子必與我爭爲之柰何高曰
臣固願言而未敢也先帝之大臣皆天下累世名貴人
也積功勞世以相傳久矣今高素小賤陛下幸稱舉令
在上位管中事大臣鞅鞅特以貌從臣其心實不服今

上出宜因此時案郡縣守尉有罪者誅之上以振威天下下以去上生平所不可者願陛下無疑然後收舉餘民賤者貴之貧者富之遠者近之則上下集而國安矣二世曰善乃行誅大臣及諸公子以罪過連逮少近官三郎無得立者而六公子戮死於杜公子將閭昆弟三人囚於內宮二世使使令將閭曰公子不臣罪當死將閭曰闕廷之禮吾未嘗敢不從賓贊也廊廟之位吾未嘗敢失節也受命應對吾未嘗敢失辭也何謂不臣願聞罪而死使者曰臣不得與謀奉書從事將閭乃仰天大呼者三曰天乎吾無罪昆弟皆拔劍自殺宗室振恐四月二世還至咸陽曰先帝爲咸陽朝廷小故營阿房宮爲室堂未就而崩今釋弗就是章先帝舉事過也復作阿房宮徵材士五萬人爲屯衛咸陽令教射狗馬禽獸當食者多度不足下調郡縣轉輸菽粟芻橐皆令自齎糧食咸陽三百里內不得食其穀用法益刻深七月戍卒陳勝等反故荆地爲張楚勝自立爲楚王居陳遣諸將徇地山東郡縣年少苦秦吏皆殺其守尉令丞反以應之相立爲侯王合從西嚮名爲伐秦不可勝數誦者使東方來

謂者秦官掌賓贊受事

以反者聞二世怒下吏後使

者至上問對曰羣盜郡守尉逐捕今盡得不足憂上悅

通志

卷四

秦紀四

三

八月武臣至邯鄲自立爲趙王魏咎爲魏王田儂爲齊王九月劉季起沛爲沛公項梁舉兵會稽二年冬陳涉所遣周章等將西至戲水兵數十萬二世大驚與羣臣謀少府章邯曰盜已至衆彊今發近縣不及矣酈山徒多請赦而授之兵以擊之二世乃大赦天下使章邯將兵破周章軍殺章于曹陽二世益遣長史司馬欣董翳佐章邯擊盜殺陳勝城父破項梁定陶滅魏咎臨濟楚地之盜名將已死章邯乃北渡河擊趙王歇等於鉅鹿趙高說二世曰先帝臨制天下久故羣臣不敢爲非進

通志

卷四

秦紀四

七

卽有誤示羣臣短也於是二世常居禁中與高決事公卿希得朝見右丞相去疾左丞相斯將軍馮劫進諫曰關東羣盜竝起秦兵誅擊所殺亡甚衆然猶不止盜多皆以戍漕轉作事苦賦稅大也請且止阿房作者減省四邊戍轉二世曰先帝起諸侯兼天下天下已定外攘四夷以安邊境作宮室以章得意而君觀先帝功業有緒今朕卽位二年之間羣盜竝起君不能禁又欲罷先帝之所爲何以在位下去疾斯劫吏案責他罪去疾劫曰將相不辱自殺斯卒囚就五刑三年章邯等圍鉅鹿楚上將軍項羽救之冬趙高爲丞相竟案李斯殺之夏

章邯等戰數却二世使人責邯邯恐使長史欣請事趙高弗見又弗信欣恐亡去見邯曰趙高用事於中將軍有功亦誅無功亦誅項羽急擊秦軍虜王離邯等遂以兵降八月趙高欲爲亂恐羣臣不聽乃先設驗持鹿獻於二世曰馬也二世笑曰丞相誤邪謂鹿爲馬問左右左右或默或言馬以阿順高或言鹿者高因陰中以法羣臣皆畏高枉矢西行趙高前數言關東盜無能爲也及是燕趙齊楚韓魏皆立爲王自關以東大抵畔秦吏應諸侯諸侯咸率其衆西嚮沛公將數萬人已屠武關使人私於高高恐二世誅已乃謝病不朝二世夢白虎

通志

卷四

秦紀四

三

齧其左驂馬殺之心不樂卜曰涇水爲祟二世乃齋於

望夷宮

張晏曰望夷宮在長陵西北長平觀道東故亭處是也臨涇水作之以望北夷

欲祠涇

沈四白馬使使責高以盜賊事高懼乃陰與其壻咸陽

令閭樂其弟郎中趙成謀廢二世更立公子嬰乃令樂

將吏卒至望夷宮殿門縛衛令斬之成與樂俱入射上

幄坐幃二世怒召左右左右皆惶擾不鬪旁有宦者一

人侍不敢去二世入內謂曰公何不早告我乃至於此

宦者曰臣不敢言故得全使臣早言皆已誅安得至今

樂卽前數二世曰足下驕賜誅死無道天下共畔足下

足下其自爲計二世曰丞相可得見否樂曰不可二世

曰吾願得一郡爲王弗許又曰願爲萬戶侯弗許又曰願與妻子爲黔首比諸公子樂曰臣受命丞相爲天下誅足下足下雖多言不敢報麾其兵進二世自殺二世在位三年年二十三趙高立子嬰以黔首葬二世杜南宜春苑中秦王子嬰者始皇之孫公子扶蘇之子也扶蘇嬰父子皆有賢德百姓愛之二世三年九月趙高既殺二世懼禍及遂立子嬰以從人望高乃悉召大臣公子告之曰秦故王國始皇君天下始稱帝今六國復自立秦地益小乃以空名爲帝不可宜爲王如故便乃立

子嬰爲秦王令子嬰齋當廟見受玉璽齋五日子嬰與

通志

卷四

秦紀四

完

其二子謀曰高殺二世恐羣臣誅之今佯以義立我我聞高與楚約滅秦宗室而王關中今使我齋見廟此欲廟中圖我我稱病不行丞相必來來則殺之高果自往子嬰遂刺殺高於齋宮三族高家以徇咸陽子嬰爲秦王四十六日楚將沛公破秦軍入武關遂至霸上霸水在長安東三十里古者使人約降子嬰子嬰卽繫頸以灑水秦穆公更名霸水組白馬素車奉天子璽符降軹道旁軹亭名在長安東十三里沛公遂入咸陽封宮室府庫還軍霸上居月餘諸侯兵至項籍爲從長殺子嬰及秦諸公子宗族遂屠咸陽燒其宮室三月火不滅虜其子女收其貨寶諸侯共分之滅秦

之後分其地爲三雍王塞王翟王號三秦項羽爲西楚霸王主命分天下王諸侯後五年天下定於漢

臣謹按通歷曰趙高旣殺二世乃引靈自佩之百官莫從將上殿殿欲壞者三趙高知天命不與羣臣不義而乃立子嬰

右秦之世起襄公元年甲子至二世三年甲寅凡二十七世三十三君五百七十一年而亡史記秦襄公至二世六百一十年

通志

卷四

秦紀四

四

通志卷第五上

宋 右 迪 功 郎 鄭 樵 漁 仲 撰

前漢紀第五上

高祖 惠帝 高后呂氏

臣謹按劉者東周畿內之地名杜預云緄氏西北舊有劉亭是也緄氏熙寧中省爲鎮入偃師隸河南劉氏者成王封王季之季子食采于劉是爲劉康公劉氏受氏實由此始自康公之後有劉定公劉獻公劉宣公劉文公世爲周卿士故劉氏爲著族漢儒之言劉氏乃用晉史蔡墨之言謂陶唐氏之後有劉累者

通志

卷五上

前漢紀五上

一

學擾龍事孔甲在夏爲御龍氏在商爲豕韋氏在周爲唐杜氏其適晉者爲范氏范武子奔秦復歸于晉秦人歸其孥留于秦者爲劉氏戰國之際秦師伐魏劉氏從征爲魏所獲魏遷大梁徙都于豐故劉氏亦居豐然劉氏本于康公地著世系兩皆明信不知劉累者因何氏劉曾無本末且劉也范也以邑命氏者豕韋也唐也杜也以國命氏者御龍也豢龍也以枝命氏者此古者命氏之義也若如此論則御龍以來數更氏矣舍劉而用御龍舍御龍而用豕韋舍豕韋而用唐杜舍唐杜而用范且范氏旣又爲士氏隨氏

今武子處秦之裔旣不以范以士以隨又不以杜以唐以豕韋以御龍而獨以劉何也高帝起于微賤不知族世且親莫如母不知其姓但諡昭靈后而已近莫如大父不知其名但以居豐呼爲豐公如此則漢家祖禰可謂荒唐矣高祖卽位之後采諸儒之言汎祀其先所置祠祀官則有秦晉梁荆之巫世祠天地綴之以祀其義爲范氏仕晉故用晉巫以祠仕晉者武子之後畱秦故用秦巫以祠畱秦者隨魏遷梁故用梁巫以祠遷梁者後居于豐故用荆巫以祠居豐者豐荆地也然天子之祀必世代歷歷遠近有差昭穆有別或壇或墀有毀有遷猶恐其濫今漢家之祀其先也如此良由不知所祖求之多方庶幾或中漢儒又從而推之以陶唐爲火德漢承堯運斷蛇著符旗幟尙赤協于火德自然之運得天統者何哉

高祖劉氏名邦字季泗水郡沛縣豐邑中陽里人父曰

太公母曰劉媪

幽人謂老婦爲媪鳥老切

媪嘗息大澤之陂夢與神

遇是時雷電晦冥太公往詔則見蛟龍于其上已而有

娠遂產高祖高祖爲人隆準而龍顏美鬚髯左股有七

十二黑子寬仁愛人意谿如也常有大度不事家人生

產作業及壯試吏爲泗上亭長庭中吏無所不狎侮好

通志

卷五上

前漢紀五上

二

酒及色常從王媪武負貫酒

老母爲負貫音世賒也

時飲醉臥武

負王媪見其上常有龍怪之高祖每酤留飲酒讎數倍

讎當讀爲售師古於此無音宣紀所從買家輒大讎顏曰讎當爲售

及見怪歲竟此兩家

常折券棄責

如字或讀爲債徵財也廣韻亦作音責負財也高祖常繇咸陽縱

觀秦皇帝喟然太息曰嗟乎大丈夫當如此矣單父人

呂公

單音善父音芥

善沛令避仇從之客因家焉沛中豪桀吏

聞令有重客皆往賀蕭何爲主吏主進

與費同才忍反

令諸大

夫曰進不滿千錢坐之堂下高祖爲亭長素易諸吏乃

紿爲謁曰賀錢萬

紿徒在切欺也謁者書刺自言爵里姓名并列賀錢數

實不持

一錢謁入呂公大驚起迎之門呂公者好相人見高祖

通志

卷五上

前漢紀五上

三

狀貌因重敬之引入坐上坐蕭何曰劉季固多大言少

成事高祖因狎侮諸客遂坐上坐無所詘酒闌呂公因

目固留高祖竟酒後呂公曰臣少好相人相人多矣無

如季相願自愛臣有息女願爲箕帚妾酒罷呂媪怒呂

公曰公始常奇此女與貴人沛令善公求之不與何自

妄許與劉季呂公曰此非兒女子所知卒與高祖呂公

女卽呂后也生孝惠帝魯元公主高祖爲亭長時常告

歸之田

吏休假曰告

呂后與兩子居田中櫛有一老父過請

飲呂后因舖之

舖食之也必胡切

老父相后曰夫人天下貴人

也令相兩子見孝惠曰夫人所以貴者乃此男也相魯

元亦皆貴老父已去高祖適從旁舍來呂后具言客有過相我子母皆大貴高祖問曰未遠乃追及問老父老父曰鄉者夫人兒子皆以君君相貴不可言高祖乃謝曰誠如父言不敢忘德及高祖貴遂不知老父處高祖爲亭長以竹皮爲冠令求盜之薛治時時冠之及貴常冠所謂劉氏冠也高祖以亭長爲縣送徒驪山徒多道亡自度比至皆亡之到豐西澤中亭止飲夜乃解縱所送徒曰公等皆去吾亦從此逝矣徒中壯士願從者十餘人高祖被酒夜徑澤中令一人行前行前者還報曰前有大蛇當道願還高祖醉曰壯士行何畏乃前拔劍斬蛇蛇分爲兩道開行數里醉因臥後人來至蛇所有

通志

卷五上

前漢紀五上

四

一老嫗夜哭人問嫗何哭嫗曰人殺吾子人曰嫗子何爲見殺嫗曰吾子白帝子也化爲蛇當道今者赤帝子斬之故哭人乃以嫗爲不誠欲苦之嫗因忽不見後人以高祖覺告高祖高祖乃心獨喜自負諸從者日益畏之秦始皇帝嘗曰東南有天子氣於是東游以厭當之厭一涉切高祖卽自疑亡慝隱於芒碭山澤間碭音唐又音蕩芒碭二縣之界有山呂后與人俱求常得之高祖怪問之呂后曰

季所居上常有雲氣故從往常得季高祖又喜沛中子弟或聞之多欲附者矣

秦二世元年秋七月陳涉起斬音機至陳自立爲楚王號

張楚遣武臣張耳陳餘略趙地八月武臣自立爲趙王

郡縣多殺長吏以應涉九月沛令欲以沛應之掾主吏

蕭何曹參曰君爲秦吏今欲背之率沛子弟恐不聽願

君召諸亡在外者可得數百人因以劫衆衆不敢不聽

乃令樊噲召高祖高祖之衆已數百人矣於是樊噲從

高祖來沛令後悔恐其有變乃閉城城守欲誅蕭曹蕭

曹恐逾城保高祖高祖乃書帛射城上與沛父老曰天

下同苦秦久矣今父老雖爲沛令守諸侯並起今屠沛

沛今共誅令釋可立立之以應諸侯卽室家完不然父

通志 卷五上

前漢紀五上

五

子俱屠無爲也父老乃帥子弟共殺令開城門迎高祖

欲以爲沛令高祖曰天下方擾諸侯並起今置將不善

一敗塗地吾非敢自愛恐能薄不能完父兄子弟此大

事願更釋可者蕭曹等皆文吏自愛恐事不就後秦種

族其家盡讓高祖諸父老皆曰平生所聞劉季奇怪當

貴且卜筮之莫如劉季最吉高祖數讓衆莫肯爲高祖

乃立爲沛公祠黃帝祭蚩尤於沛庭而釁鼓旗幟皆赤

由所殺蛇白帝子所殺者赤帝子故也於是少年豪吏

如蕭曹樊噲等皆爲收沛子弟得三千人是月項梁與

兄子羽起吳田儋與從弟榮橫起齊自立爲齊王韓廣

自立爲燕王魏咎自立爲魏王陳涉之將周章西入關至戲秦將章邯距破之

秦二年十月沛公攻胡陵方與還守豐邯音酣方與音房預秦泗

川監平將兵圍豐二日出與戰敗之令雍齒守豐十一

月沛公引兵之薛秦泗川守壯兵敗於薛走至戚沛公

左司馬得殺之師古曰得者司馬之名史記沛公左司馬得泗川守壯殺之則得非名也

公還軍亢父至方與趙王武臣爲其將李良所殺十二

月楚王陳涉爲其御莊賈所殺魏人周市略地豐沛使

人謂雍齒曰豐故梁徙也今魏地已定者數十城齒今

下魏魏以齒爲侯守豐不下且屠豐雍齒雅不欲屬沛

通志 卷五上 前漢紀五上 六

公及魏招之卽反爲魏守豐沛公攻豐不能取還之沛

怨雍齒與豐子弟畔之正月張耳等立趙後趙歇爲趙

王東陽甯君秦嘉立楚將景駒爲楚王在留沛公往從

之道得張良遂與俱見景駒請兵以攻豐時章邯從陳

別將司馬卬將兵北定楚地屠相至碭東陽甯君沛公

引兵西與戰蕭西不利還收兵聚留二月攻碭三日拔

之收碭兵得六千人與故合九千人三月攻下卬拔之

還擊豐不下四月項梁擊殺景駒秦嘉止薛沛公往見

之項梁益沛公卒五千人五大夫將十人五大夫秦沛第九爵

公還引兵攻豐拔之雍齒奔魏五月項羽拔襄城還項

梁盡召別將居薛六月沛公如薛與項梁共立楚懷王孫心爲楚懷王章邯破殺魏王咎齊王田儋於臨濟七月大霖雨沛公攻亢父章邯圍田榮於東阿沛公與項梁共救田榮大破章邯東阿田榮歸沛公項羽追北至城陽攻屠其城軍濮陽東復與章邯戰又破之秦軍復振守濮陽環水音官決水以自環守爲固沛公項羽去攻定陶八月田榮立田儋子市爲齊王定陶未下沛公與項羽西略地至雍邱與秦軍戰大敗之斬三川守李由還攻外黃外黃未下項梁再破秦軍有驕色宋義諫不聽秦益章

邯兵九月章邯夜銜枚擊項梁定陶大破之殺項梁時

通志

卷五上

前漢紀五上

七

連雨自七月至九月沛公項羽方攻陳畱聞梁死士卒恐乃與將軍呂臣引兵而東徙懷王自盱台都彭城呂

臣軍彭城東項羽軍彭城西沛公軍碭魏王咎之弟豹

復收魏衆自立爲魏王後九月

卽閏九月也秦之歷法歲終置閏蓋取歸餘於

終之義也漢至孝文猶用之

懷王并呂分項羽軍自將之以沛公爲

碭郡長封武安侯將碭郡兵以羽爲魯公封長安侯呂臣爲司徒其父呂青爲令尹章邯已破項梁則以楚地

兵不足憂乃渡河北擊趙王歇大破之歇保鉅鹿城秦將王離圍之趙數請救懷王乃以宋義爲上將項羽爲

次將范增爲末將北救趙初懷王約諸將曰先入定關

中者王之至是秦兵彊常乘勝逐北諸將莫利先入關獨羽怨秦殺項梁奮勢願與沛公西入關懷王諸老将

皆曰項羽爲人悍慄猾賊嘗攻襄城襄城無噍類噍音笑反

無復有活而噍食也青州俗呼無子遺爲無噍類所過無不殘滅且楚數進取

前陳王項梁皆敗不如更遣長者扶義而西告諭秦父

兄秦父兄苦其主久矣今誠得長者往毋侵暴宜可下

項羽不可遣獨沛公素寬大長者卒不許羽而遣沛公

西收陳王項梁散卒乃道碭至陽城與扛里攻秦軍壁

破其二軍

秦三年十月齊將田都畔田榮將兵助項羽救趙沛公

通志

卷五上

前漢紀五上

八

攻破東郡尉於成武十一月項羽殺宋義并其兵渡河

自立爲上將軍諸將黥布之徒皆屬焉十二月沛公引

兵至栗遇剛武侯奪其軍四千餘人并之與魏將皇欣

武滿軍合攻秦軍破之故齊王建孫田安下濟北從項

羽救趙大破秦軍鉅鹿下虜王離走章邯二月沛公從

碭北攻昌邑遇彭越越助攻昌邑未拔沛公西過高陽

酈酈音歷食音其爲里監門曰諸將過此者多吾視沛公

大度乃求見沛公沛公方踞牀使兩女子洗酈生不拜

長揖曰足下必欲誅無道秦不宜踞見長者於是沛公

起攝衣謝之延上坐食其說沛公襲陳留沛公以爲廣

野君以其弟商爲將將陳留兵三月攻開封未拔西與秦將楊熊會戰白馬又戰曲遇東

曲邱羽切
遇音驅

大破之楊

熊走之滎陽二世使使斬之以徇四月南攻潁川屠之

因張良遂略韓地時趙別將司馬卬方欲渡河入關沛

公乃北攻平陰絕河津南戰洛陽東軍不利從轅轅至

陽城收軍中馬騎六月與南陽守齧

音戰
雙反

昌尤東破

之略南陽郡齧走保城守宛沛公引兵過宛西張良諫

曰沛公雖欲急入關秦兵尙衆距險今不下宛宛從後

擊彊秦在前此危道也於是沛公夜引兵從他道還偃

旗幟遲明圍宛城三匝齧欲自到其舍人陳恢曰死未

通志

卷五上

前漢紀五上

九

晚也乃逾城見沛公曰臣聞足下約先入咸陽者王之

今足下留守宛宛大郡之都也連城數十人民衆積粟

多吏人自以爲降必死故皆堅守乘城今足下盡日止

攻士死傷者必多引兵去宛宛必隨足下後足下前則

失咸陽之約後又有彊宛之患爲足下計莫若約降封

其守因使止守引其甲卒與之西諸城未下者聞聲爭

開門而待足下足下通行無所累沛公曰善七月南陽

守齧降封爲殷侯封陳恢千戶引兵而西無不下者至

丹水高武侯鯁襄侯王陵降還攻胡陽遇番君別將梅

銅

番音婆
銅呼涓切

與偕攻析酈

持益反

二縣皆降所過無得齒

掠秦民喜遣魏人甯昌使秦是月章邯舉軍降項羽
以爲雍王瑕邱申陽下河南八月沛公攻武關入秦秦
相趙高恐乃殺二世使人來欲約分王關中沛公不許
九月趙高立二世兄子子嬰爲秦王子嬰誅滅趙高遣
將將兵距峽關音堯沛公欲擊之張良曰秦兵尙彊未可
輕也願先遣人益張旗幟於山上爲疑兵使酈食其陸
賈往說秦將昭以利秦將果欲連和沛公欲許之良曰
此獨其將欲叛恐其士卒不從不如因其怠懈而擊之
沛公引兵繞峽關逾蕢山蕢音蒯擊秦軍大破之藍田南
遂至藍田又戰其北秦兵大敗

通志

卷五上

前漢紀五上

十

漢元年五星聚于東井

從歲星也

沛公至霸上秦王子嬰素

車白馬繫頸以組奉皇帝璽符節降于軹道旁諸將或

言誅之沛公曰始懷王遣我固以能寬容且人已服降

殺之不祥乃以秦王屬吏遂西入咸陽欲止宮休舍樊

噲張良諫乃封秦重寶財物府庫還軍霸上蕭何盡收

秦丞相府圖籍文書十一月召諸縣豪傑曰父老苦秦

苛法久矣誹謗者族偶語者棄市吾與諸侯約先入關

中者王之吾當王關中與父老約法三章耳殺人者死

傷人及盜抵罪餘悉除去秦法吏民皆按堵如故凡吾

所以來爲父兄除害非有所侵暴毋恐且吾所以還軍

霸上待諸侯至而定要東耳乃使人與秦吏行縣鄉邑告諭之秦民大喜爭持牛羊酒食獻享軍士沛公讓不受曰倉粟多不欲費民民又益喜惟恐沛公不爲秦王或說沛公曰秦富十倍天下地形疆今聞章邯降項羽羽號曰雍王王關中卽來沛公恐不得有此可急使守函谷關毋內諸侯軍稍徵關中兵以自益距之沛公然其計從之十二月項羽果帥諸侯兵欲西入關關門閉聞沛公已定關中大怒使黥布等攻破函谷關遂至戲下沛公左司馬曹毋傷聞羽怒欲攻沛公使人言羽曰沛公欲王關中令子嬰相珍寶盡有之欲以求封亞父

通志

卷五上

前漢紀五上

七

范增說羽曰沛公居山東時貪財好色今聞其入關珍物無所取婦女無所幸此其志不小吾使人望其氣皆爲龍成五色此天子氣也急擊之勿失於是享士旦日合戰是時羽兵四十萬號百萬沛公兵十萬號二十萬力不敵會羽季父左尹項伯素善張良夜馳見張良具告其實欲與俱去毋特俱死良曰臣爲韓王送沛公今事有急亡去不義不可不告乃入具告沛公沛公驚曰爲之奈何良曰誰爲沛公爲此計者曰鯁生說我曰距關無內諸侯秦地可盡王也故聽之君安與項伯有故良曰秦時與臣游項伯殺人臣活之沛公曰孰與少長

良曰長於臣沛公曰君爲我呼入吾得見兄事之良出
要項伯俱入見沛公奉卮酒爲壽約爲婚姻曰吾入關
秋毫無所敢取籍吏民封府庫而待將軍所以守關者
備他盜也日夜望將軍到豈敢反邪願伯明言不敢背
德項伯許諾卽夜復去戒沛公曰旦日不可不早自來
謝項伯還具以沛公言告羽因曰沛公不先破關中兵
公詎能入乎且人有大功擊之不祥不如因而善之羽
許諾沛公旦日從百餘騎見羽鴻門謝曰臣與將軍戮
力攻秦將軍戰河北臣戰河南不意先人關能破秦
今者有小人言令將軍與臣有隙羽曰此沛公左司馬

通志

卷五上

前漢紀五上

三

曹毋傷言之不然籍何以生此羽因畱沛公飲項伯東
嚮坐范增南嚮坐增數目羽擊沛公羽不應增出召項
莊謂曰君王爲人不忍若入前爲壽壽畢請以劍舞因
擊沛公於坐不者若屬皆且爲所虜莊卽入爲壽壽畢
曰軍中無以爲樂請以劍舞項伯亦拔劍起舞常以身
翼蔽沛公樊噲聞事急直入怒甚羽壯之賜以酒噲因
譙讓羽語在噲傳有頃沛公起如廁因招樊噲出沛公
曰未辭奈何噲曰人方爲刀俎我爲魚肉何辭爲乃令
張良畱謝以白璧一雙獻羽玉斗一雙獻范增鴻門去
霸上四十里沛公置車騎脫身獨騎與樊噲夏侯嬰靳

彊紀信等四人持劍盾步走從驪山下道芷陽閒行沛公謂良曰從此道至吾軍不過二十里度我至軍中乃入沛公已去閒至軍中張良入謝曰沛公不勝杯杓不能辭謹使臣良獻璧羽曰沛公安在良曰閒將軍有意督過之脫身去已至軍羽受璧置坐上又獻玉斗范增增怒撞其斗起曰吾屬今爲沛公虜矣沛公歸立誅曹毋傷數日項羽引兵西屠咸陽殺秦降王子嬰燒秦宮室所過無不殘滅秦民大失望羽使人還報懷王懷王曰如約羽怨懷王不肯令與沛公俱西入關而北救趙後天下約乃曰懷王者吾家所立耳非有功伐何以得

通志

卷五上

前漢紀五上

三

專主約本定天下諸將與籍也春正月陽尊懷王爲義帝實不用其命二月羽自立爲西楚霸王王梁楚地九郡都彭城背約更立沛公爲漢王王巴蜀漢中四十一縣都南鄭三分關中立秦三將章邯爲雍王都廢邱司馬欣爲塞王都櫟陽董翳爲翟王都高奴楚將瑕邱申陽爲河南王都洛陽趙將司馬卬爲殷王都朝歌當陽君英布爲九江王都六懷王柱國共敖爲臨江王都江陵番君吳芮爲衡山王都邾故齊王建孫田安爲濟北王徙魏王豹爲西魏王都平陽徙燕王韓廣爲遼東王燕將臧荼爲燕王都薊徙齊王田市爲膠東王齊將田

都爲齊王都臨菑徙趙王歇爲代王趙相張耳爲常山
王夏四月諸侯罷戲下各就國漢王怨羽背約欲攻之
蕭何諫曰雖王漢中之惡不猶愈於死乎且語稱天漢
其稱美甚夫能屈于一人之下則能申于萬人之上湯
武是也願大王王漢撫民招賢收用巴蜀還定三秦天
下可圖也漢王乃之國羽使卒三萬人從漢王楚與諸
侯人之募從者數萬人從杜南入蝕中張良辭歸韓漢
王送至褒中因說漢王燒絕棧道以備諸侯盜兵亦示
項羽無東意漢王旣至南鄭諸將及士卒皆歌謳思東
歸多道亡還者韓信爲治粟都尉亦亡去蕭何追還之

通志

卷五上

前漢紀五上

五

三日乃至因薦於王曰必欲爭天下非信無可與計事
者乃戒漢王設壇場齊七日設九賓之禮拜信爲大將
軍間以計策信對曰項羽王諸將之有功者而背約王
君王於南鄭是遷也人無有不恨者吏卒皆山東之人
日夜企而望歸及其鋒而用之可以有大功天下已定
民皆自寧不可復用不如決策東向爭權天下因陳羽
可圖三秦易并之計漢王大說自以爲得信晚也五月
與信俱東畱蕭何守漢中收巴蜀租給軍糧食漢王用
信計從故道還襲雍雍王卬迎擊漢陳倉雍兵敗還走
戰好時又大敗走廢邱遂定雍地東如咸陽引兵圍雍

王廢邱而遣諸將略定隴西北地上郡田榮聞羽徙齊
王市於膠東而立田都爲齊王大怒以齊兵迎擊田都
都走降楚六月田榮殺田市自立爲齊王時彭越在鉅
野有衆萬餘無所屬榮與越將軍印令反梁地越擊殺
濟北王安榮遂并三齊之地燕王韓廣亦不肯徙遼東
八月臧荼殺廣并其地塞王欣翟王翳皆降漢初項梁
立韓後公子成爲韓王張良爲韓司徒羽以良從漢王
韓王成又無功故不遣就國與俱至彭城殺之及聞漢
王并關中而齊梁畔之羽大怒乃以故吳令鄭昌爲韓
王距漢令蕭公角擊彭越越敗之時張良徇韓地遺羽
書曰漢欲得關中如約卽止不敢復東羽以故無西意
而北擊齊九月漢王遣將軍薛歐王吸出武關因王陵
兵從南陽迎太公呂后於沛羽聞之發兵距之陽夏不
得前

二年冬十月項羽使九江王布殺義帝於郴陳餘旣怨
常山王張耳又怨項羽之不王已也從田榮籍助兵以
擊常山張耳敗走降漢漢王厚遇之陳餘迎代王歇還
趙歇立餘爲代王張良自韓閒行歸漢漢王以爲成信
侯漢王如陝鎮撫關外父老河南王申陽降置河南郡
使韓太尉韓信擊韓韓王鄭昌降十一月更立韓太尉

通志

卷五上

前漢紀五上

五

信爲韓王漢王還歸櫟陽使諸將略拔隴西地以萬人若一郡降者封萬戶繕治河上塞故秦苑園池令民得田之春正月羽擊田榮城陽榮敗走平原平原民殺之齊皆降楚羽焚其城郭齊人復畔楚降漢諸將拔北地虜雍王弟章平赦罪人二月癸未令民除秦社稷立漢社稷施恩德賜民爵蜀漢民給軍事勞苦復勿租稅二歲關中卒從軍者復家一歲舉民年五十以上有修行能帥衆爲善置以爲三老鄉一人擇鄉三老一人爲縣三老與縣令丞尉以事相教復勿繇戍以十月賜酒肉三月漢王自臨晉渡河魏王豹降將兵從下河內虜通志

卷五上

前漢紀五上

六

殷王卬置河內郡至脩武陳平亡楚來降漢王與語說之使之參乘以爲護軍中尉監護諸將漢王南渡平陰津至洛陽新城三老董公遮說漢王曰臣聞順德者昌逆德者亡兵出無名事故不成明其爲賊敵乃可服項羽爲無道放殺其主天下之賊也夫仁不以勇義不以力三軍之衆爲之素服以告之諸侯爲此東伐四海之內莫不仰德此三王之舉也漢王曰善非夫子無所聞於是漢王爲義帝發喪袒而大哭哀臨三日發使告諸侯曰天下共立義帝北面事之今項羽放殺義帝于江南大逆無道寡人親爲發喪兵皆編素悉發關中兵收

三河士南浮江漢以下願從諸侯王擊楚之殺義帝者
夏四月田榮弟橫立榮子廣爲齊王止城陽項羽雖聞
漢東旣擊齊欲遂破之而後擊漢漢王以故得劫五諸
侯兵凡五十六萬人東襲楚到外黃彭越將三萬人歸
漢漢王拜越爲魏相國令定梁地漢王遂入彭城悉收
羽美人貨賂置酒高會羽聞之令其將擊齊自以精兵
三萬人從魯出胡陵至蕭晨擊漢軍大戰彭城靈璧東
睢水上大破漢軍多殺士卒睢水爲之不流圍漢王三
匝大風從西北起折木發屋揚砂石晝晦楚軍大亂而
漢王得與數十騎遁去過沛使人求室家家亦已亡

通志

卷五上

前漢紀五上

七

不相得漢王道逢孝惠魯元載行楚騎追漢王漢王急
推墮二子滕公下收載遂得脫審食其從太公呂后間
行反遇楚軍羽常置軍中以爲質諸侯見漢敗復與楚
而背漢塞王欣翟王翳皆亡歸楚殷王卬死是時呂后
兄周呂侯澤爲漢將兵居下邑漢王往從之稍收士卒
軍碭漢王西過梁地至虞謂羣臣曰誰能爲我說九江
王畔楚項王必畱擊之得畱數月吾取天下必矣謁者
隨何請使何至九江說布背楚歸漢會楚使亦至布猶
豫未決何劫布殺楚使而起兵項羽使龍且擊布而身
攻下邑五月漢王屯滎陽蕭何發關中老弱未傅者悉

詣軍諸敗兵皆會韓信亦至漢兵復大振與楚戰滎陽

南京索閒

索音求索之索

破之楚以故不能過滎陽而西漢軍

滎陽築甬道屬河以取敖倉粟魏王豹謁歸視親疾至

則絕河津反爲楚六月漢王還櫟陽壬午立太子大赦

罪人令太子守櫟陽諸侯子在關中者皆集櫟陽爲衛

引水灌廢邱廢邱降章邯自殺雍州定八十餘縣置河

上渭南中地隴西上郡令祠官祀天地四方上帝山川

以時祠之興關中卒乘邊塞關中大飢米斛萬錢人相

食

荀氏曰米十五千

令民就食蜀漢秋八月漢王如滎陽謂酈

食其曰緩頰往說魏王豹能下之以魏地萬戶封生食

通志

卷五上

前漢紀五上

六

其往豹不聽漢王以韓信爲左丞相與曹參灌嬰俱擊

魏食其還漢王問魏大將誰也對曰柏直王曰是口尙

乳臭不能當韓信騎將誰也曰馮敬曰是秦將馮無擇

子也雖賢不能當灌嬰步卒將誰也曰項它

徒河切

曰是

不能當曹參吾無患矣九月信等虜豹傳詣滎陽定魏

地置河東太原上黨郡韓信使人請兵三萬願以北舉

燕趙東擊齊南絕楚糧道漢王與之

三年冬十月韓信等破代擒夏說進伐趙獲趙王歇斬

陳餘置常山代郡甲戌晦日有食之十一月癸卯晦日

有食之隨何旣說黥布布起兵攻楚楚使項聲龍且伐

之布敗走十二月與隨何閒行歸漢漢王分之兵與俱收兵至成臯項羽數侵奪漢甬道漢軍乏食酈食其謀撓楚權請立六國後可以樹黨漢王曰善趣刻印將遣食其立之以間張良良發八難漢王輟飯吐哺曰豎儒幾敗乃公事令趣銷印又問陳平乃從其計陳平謀以黃金數萬斤閒疏楚君臣乃與平四萬斤縱其所使由是楚之君臣自相疑閒夏四月項羽圍漢滎陽漢王請和割滎陽以西者爲漢范增勸羽急攻滎陽漢王患之乃用陳平計因項王使者以離閒范增項王果疑之范增大怒乞骸骨歸卒伍事具陳平傳中五月將軍紀信

通志

卷五上

前漢紀五上

五

曰事急矣臣請誑楚則王可以閒出於是陳平夜出女子滎陽東門二千餘人楚因四面擊之紀信乃乘王車黃屋左纛曰城中食盡漢王降楚楚皆呼萬歲之城東觀以故漢王得以數十騎從西門出走成臯項王燒殺紀信漢王之出也使御史大夫周苛縱公魏豹守滎陽周苛縱公謀曰反國之王難與守城因殺魏豹漢王自成臯西入關收兵欲復東轅生說曰楚漢相距滎陽數歲漢常困願君王出武關項王必引兵南走

音奏嚮王也後同

深壁令滎陽成臯閒且得休息使韓信等得鞞河北趙地連燕齊君王乃復走滎陽如此則楚所備者多力分

漢得休息復與之戰破之必矣漢王從其計軍出宛葉

間葉式涉切與黥布行收兵羽聞漢兵在宛果引兵南漢王

堅壁不與戰是時彭越渡睢與項聲薛公戰下邳破殺

薛公羽使終公守成臯而自東擊彭越聞漢復軍成臯

乃引兵西拔滎陽城生得周苛謂曰爲我將以公爲上

將軍封三萬戶苛瞋目罵曰若不趨降漢今爲虜矣若

非漢王敵也羽烹周苛并殺樅公而虜韓王信遂圍成

臯漢王跳獨與滕公共車出成臯玉門北渡河宿小脩

武自稱使者晨馳入張耳韓信壁而奪之軍乃使張耳

北收兵趙地秋七月有星孛大角漢王得韓信軍復大

通志

卷五上

前漢紀五上

五

振八月臨河南鄉軍小脩武欲復戰郎中鄭忠說止漢

王高壘深塹勿戰漢王聽其計使盧縮劉賈將卒二萬

人騎數百渡白馬津入楚地佐彭越燒楚積聚復擊破

楚師於燕郭西下睢陽外黃十七城九月羽謂大司馬

曹咎長史欣曰謹守成臯卽漢王欲挑戰慎勿與戰但

勿令得東而已我十五日必定梁地復從將軍羽乃引

兵東擊彭越漢王使酈食其說齊王田廣罷守兵與漢

和

四年冬十月韓信用蒯通計襲破齊齊王烹酈生東走

高密項羽聞韓信破齊且欲擊楚使龍且救齊漢果數

挑成臯戰楚軍不出使人辱之數日大司馬咎怒渡兵

汜水

汜舊音凡
今音祀

半濟漢擊之大破楚軍盡得楚國貨賂

大司馬咎長史欣皆自到汜水上漢王引兵渡河復取

成臯軍廣武就敖倉食羽下梁地十餘城聞曹咎破乃

引兵還漢軍方圍鍾離昧於滎陽東聞羽至盡走險阻

羽亦軍廣武與漢相守丁壯苦軍旅老弱罷轉餉漢王

羽相與臨廣武之閒而語羽欲與漢王獨身挑戰漢王

數羽曰始吾與公俱受命懷王曰先入關中者王之公

負約王我於蜀漢罪一矯懷王之命殺卿子冠軍而自

尊罪二公當以救趙還報而擅劫諸侯兵入關罪三懷

通志

卷五上

前漢紀五上

五

王約入秦無暴掠公乃燒秦宮室掘始皇冢收私其財

物罪四又彊殺秦降王子嬰罪五詐阬秦子弟新安二

十萬王其將罪六皆王諸將善地而徙逐故主令臣下

爭叛逆罪七出逐義帝自都彭城奪韓王地并王梁楚

多自與罪八使人陰賊義帝江南罪九夫爲人臣而殺

其主殺其已降爲政不平主約不信天下所不容大逆

無道罪十也吾以義兵從諸侯誅殘賊使刑餘之人擊

公何苦乃與公挑戰羽大怒伏弩射中漢王漢王傷胸

乃捫足曰虜中吾指漢王病滅臥張良彊請漢王起行

勞軍以安士卒漢王出行軍疾甚因馳入成臯齊田橫

求救於楚十一月楚使龍且救齊韓信與灌嬰距之擊破楚軍斬龍且虜齊王廣齊相田橫自立爲齊王奔彭越漢立張耳爲趙王漢王疾瘡西入關至櫟陽存問父老置酒臬故塞王欣頭櫟陽市留四日復如軍軍廣武關中兵益出而彭越田橫居梁地往來苦楚兵絕其糧食韓信已破齊使人來言曰齊邊楚權輕不爲假王恐不能安齊漢王怒賴張良陳平之謀乃遣張良操印立信爲齊王秋七月立黥布爲淮南王八月初爲算賦北貉燕人來致梟騎助漢漢王下令軍士不幸死者吏爲衣衾棺斂轉送其家四方歸心焉項羽自知少助食盡

通志

卷五上

前漢紀五上

三

韓信又進兵擊楚羽患之漢乃遣陸賈說羽歸太公羽不從漢復遣侯公往說羽乃與漢約中分天下割鴻溝以西爲漢以東爲楚九月歸太公呂后軍皆稱萬歲乃封侯公爲平國君曰此天下辯士所居傾國故號平國君羽解而東歸漢王欲西歸張良陳平諫曰漢有天下大半而諸侯皆附之楚兵罷食盡此天亡之時不因其幾而遂取之所謂養虎自遺患也漢王從之

五年冬十月漢王追羽至陽夏南

夏古雅切

止軍與齊王信

魏相國越期會擊楚王固陵不會楚擊漢軍大破之漢王復入壁深塹而守謂張良曰諸侯不從柰何良對曰

楚兵且破未有分地其不至固宜君王能與共天下可立致也齊王信之立非君王意信亦不自堅彭越本定梁地始君王以魏豹故拜越爲相國今豹死越亦望王而君王不早定今能取睢陽以北至穀城皆以王彭越從陳以東傅海與齊王信信家在楚其意欲復得故邑能出捐此地以許兩人使各自爲戰則楚易敗也於是漢王發使使韓信彭越至皆引兵來十一月劉賈入楚地圍壽春漢亦遣人誘楚大司馬周殷殷畔楚以舒屠六舉九江兵迎黥布竝行屠城父隨劉賈皆會遂與羽決勝陔下齊王將三十萬自當之孔將軍居左費將軍

通志

卷五上

前漢紀五上

三

居右漢王在後絳侯柴將軍在王後項羽之卒可十萬齊王先合不利却孔費二將軍縱擊齊王復乘之羽兵大敗十二月圍羽陔下羽夜聞漢軍四面皆楚歌大驚曰漢盡得楚乎是何楚人之多也羽與數百騎夜潰圍南走平明漢軍乃覺令灌嬰追之斬羽東城楚地悉定獨魯不下漢王欲屠之爲其守節禮義之國乃持羽頭示其父兄魯乃降以懷王始封羽於魯故以魯公禮葬羽於穀城漢王爲發喪哭臨而去項氏支屬不誅封項伯等四人爲列侯賜姓劉氏諸民略在楚者皆歸之漢王還至定陶馳入齊王信壁奪其軍初項羽所立臨江

王共赦前死子尉嗣立爲王不降遣劉賈盧縮擊虜尉
春正月追尊兄伯號曰武哀侯下令曰楚地已定義帝
亡後欲存卹楚衆以定其主齊王信習楚風俗更立爲
楚王王淮北都下邳魏相國建成侯彭越勤勞魏民卑
下士卒常以少擊衆數破楚軍其以魏故地王之號曰
梁王都定陶又曰兵不得休八年萬民與苦甚今天下
事畢其赦天下殊死以下於是諸侯上疏曰楚王韓信
韓王信淮南王英布梁王彭越故衡山王吳芮趙王張
敖燕王臧荼昧死再拜言大王陛下秦爲無道天下誅
之大王先得秦定關中於功最多存亡定危救敗繼絕
以安萬民功盛德厚又加惠於諸侯王有功者使得立
社稷地分已定而位號比擬無上下之分大王功德之
著於後世不宣昧死再拜上皇帝尊號漢王三讓不獲
而後受於是諸侯王及太尉長安侯臣綰等三百人與
博士稷嗣君叔孫通謹擇良日以二月甲午上尊號漢
王卽皇帝位于汜水之陽以十月爲正從火德色尙赤
尊王后曰皇后太子曰皇太子追尊先媼曰昭靈夫人
詔曰故衡山王吳芮與子二人兄子一人從百粵之兵
以佐諸侯誅暴秦有大功諸侯立以爲王項羽奪其地
謂之番君其以長沙豫章象郡桂林南海立芮爲長沙

通志

卷五上

前漢紀五上

五

王都臨湘又粵王亡諸世奉粵祀秦奪其地使社稷不得血食諸侯伐秦亡諸身帥閩中兵以佐滅秦項羽廢而弗立今以爲閩粵王王閩中地勿使失職帝乃西都洛陽夏五月兵皆罷歸家詔曰諸侯子在關中者復之十二歲其歸者復之六歲食之一歲民前或相聚保山澤不書名數令各歸其縣復故爵田里吏以文法教訓辨告勿笞辱民以飢餓自賣爲人奴婢者皆免爲庶人軍吏卒會赦其亡罪而亡爵及不滿大夫者皆賜爵爲大夫故大夫以上賜爵各一級其七大夫以上皆令食邑非七大夫以下皆復其身及戶勿事又曰七大夫公

通志

卷五上

前漢紀五上

五

乘以上皆高爵也諸侯子及從軍歸者甚多高爵吾數詔吏先與田宅及所當求於吏者亟與爵或人君上所尊禮久立吏前曾不爲決甚亡謂也異日秦民爵公大夫已上令丞與亢禮今吾於爵非輕也吏獨安取北且法以有功勞行田宅今小吏未嘗從軍者多滿而有功者顧不得背公立私守尉長吏教訓甚不善其令諸吏善遇高爵稱吾意且廉問有不如吾詔者以重論之帝置酒洛陽南宮上曰通侯諸將毋敢隱朕皆言其情吾所以有天下者何項氏所以失天下者何高起王陵對曰陛下嫚而侮人項羽仁而敬人然陛下使人攻城略

地所降下者因以與之與天下同利也項羽妒賢嫉能有功者害之賢者疑之戰勝而不與人功得地而不與人利此其所以失天下也上曰公知其一未知其二夫運籌帷幄之中決勝千里之外吾不如子房填國家撫百姓給餉饋不絕糧道吾不如蕭何連百萬之衆戰必勝攻必取吾不如韓信三者皆人傑吾能用之此吾之所以取天下者也項氏有一范增而不能用此所以爲我禽也羣臣說服初田橫歸彭越項羽已滅橫懼誅與賓客亡入海上恐其久爲亂遣使者赦橫曰橫來大者

王小者侯不來且發兵加誅橫懼乘傳詣洛陽未至三

通志

卷五上

前漢紀五上

五

十里自殺上壯其節爲流涕發卒二千人以王禮葬焉
戊卒婁敬求見說上曰陛下取天下與周異而都洛陽
不便不如入關據秦之固上以問羣臣羣臣多山東人
皆不欲惟張良勸從敬說上即日車駕西都長安治櫟
陽宮拜婁敬爲郎中號奉春君賜姓劉氏六月壬辰大
赦天下秋七月燕王臧荼反攻下代地上自征之九月
虜荼卽立太尉盧縮爲燕王使丞相噲平代地利幾反
上自擊破之利幾者項羽將羽敗利幾爲陳令降上侯
之潁川上至洛陽舉通侯籍召之利幾恐故反後九月
徙諸侯子關中治長樂宮丞相張蒼從擊臧荼有功封

北平侯蒼明習天下圖書善用算術故命以列侯居相府主郡國上計也

六年冬十月令天下縣邑城十一月人有上變事告楚王信謀反上問左右皆曰擊之用陳平計乃僞游雲夢十二月會侯諸子陳楚王信迎謁因執之是日大赦天下田肯賀上曰甚善陛下得韓信又治秦中秦形勝之國也帶河阻山縣隔千里持戟百萬秦得百二焉地勢便利其以下兵於諸侯譬猶居高屋之上建瓴水也夫齊東有琅邪卽墨之饒南有泰山之固西有濁河之限北有勃海之利地方二千里持戟百萬縣隔千里之外

通志

卷五上

前漢紀五上

七

齊得十二焉此東西秦也非親子弟莫可使王齊者上曰善賜黃金五百斤上還至洛陽赦韓信封爲淮陰侯分其地爲二國詔將軍劉賈數有功以爲荊王王淮東弟交爲楚王王淮西長庶子肥爲齊王王七十餘城民能齊言者皆屬齊上兄弟四人長兄伯次兄仲弟交伯早卒封其子信爲潁羹侯仲喜爲代王乃論功與列侯部符行封徙韓王信於太原都晉陽封蕭何爲鄴侯父母兄弟封侯食邑者十餘人以蕭何舉宗從征伐故也曹參封平陽侯張良留侯陳平戶牖侯後徙曲逆侯周勃絳侯樊噲舞陽侯酈商武城侯食其子疥以父故封

高梁侯夏侯嬰汝陰侯灌嬰潁陽侯周昌汾陰侯大功臣封三十餘人其餘爭功未得行封上居南宮從復道上見諸將往往耦語以問張良而知其相與謀反乃用張良計先封雍齒爲什邡侯羣臣乃安於是趣丞相急定功行封封王陵爲定國侯陵始爲縣豪上兄事之以其從上晚故後行封凡百四十三人是時人民散亡戶口可得而數裁什二三是以大侯不過萬家小者五六百戶封爵之誓曰使黃河爲帶泰山若礪國以永存爰及苗裔又申以丹書之誓重以白馬之盟乃作十八侯之位次上歸櫟陽五日一朝太公太公家令說太公曰

通志

卷五上

前漢紀五上

三

天無二日土無二王皇帝雖子人主也太公雖父人臣也奈何令人主拜人臣如此則威重不行後上朝太公擁篲迎門卻行上大驚下扶太公公曰帝人主奈何以我亂天下法上心善家令言賜黃金五百斤夏五月丙午詔尊太公曰太上皇九月匈奴圍韓王信於馬邑信降匈奴

七年冬十月上自將擊韓王信於銅鞮斬其將信亡走匈奴與其將曼邱臣王黃共立故趙後利爲王收信散兵與匈奴共距漢上從晉陽連戰乘勝逐北至樓煩會天寒士卒墮指者十二三遂至平城匈奴圍上於白登

七日用陳平祕計得出應劭曰陳平使畫工圖美女間遣人遺閼氏云漢有美女如此今皇帝困阨欲獻之閼氏畏其奪已寵因謂單于曰漢天子亦有神靈得其土地非能有也於是匈奴問其一角得突出鄭氏曰以計鄙陋故祕不傳師古曰應氏之說出桓譚新論蓋譚以意測之事當然耳非記傳所說也

使樊噲畱定代地十二月匈奴攻代代王喜棄國自歸洛陽赦為郃陽侯辛卯立子如意為代王春令郎中有罪耐以上請之耐亦作彫音而罪不至民產子復勿事二歲二月至長安蕭何治未央宮立東闕北闕前殿武庫太倉上見其壯麗怒曰天下匈奴勞苦數歲成敗未可知是何治宮室過度也何曰天下方未定故可因以就宮室且夫天子以四海為家非令壯麗亡以重威

通志 卷五上 前漢紀五上 三

且亡令後世有以加也上說自櫟陽徙都長安置宗正官以序九族夏四月行如洛陽

八年冬上東擊韓王信餘寇於東垣十一月令士卒從軍死者為楛音衛小棺歸其縣縣給衣衾棺槨具長吏視葬祠以少牢十二月行自東垣至春三月行如洛陽令吏卒從軍至平城及守城邑者皆復終身勿事爵非公乘以上母得冠劉氏冠賈人母得衣錦繡綺縠紵紵罽操兵乘騎馬秋八月吏有罪未發覺者赦之九月行自洛陽至

九年冬十月未央宮成大朝諸侯羣臣置酒未央前殿

上奉玉卮起爲太上皇壽曰始大人常以臣亡賴不能治產業不如仲力今某之業所就孰與仲多殿上羣臣皆稱萬歲大笑爲樂十一月從婁敬之言徙郡國大族十餘萬人以實關中楚昭氏屈氏景氏懷氏齊田氏皆與利田宅十二月行如洛陽趙相貫高謀逆發覺初上自平城還過趙不禮趙王趙相貫高等恥之及還自東垣又過趙貫高等伏兵柏人亭爲逆上欲宿心動問縣何名曰柏人上曰柏人者迫于人也去弗宿至是始覺逮捕貫高等并捕趙王敖下獄詔敢有隨王罪三族郎中田叔孟舒等十人自髡鉗爲王家奴從王就獄王實不與謀春王月廢趙王敖以尙魯元公主故封爲宣平侯徙代王如意爲趙王赦殊死已下二月至自洛陽賢田叔孟舒等十人召見與語漢廷臣亡能出其右者盡拜爲郡守諸侯相夏六月乙未晦日有蝕之

十年冬十月淮南王黥布梁王彭越燕王盧綰荆王劉賈楚王劉交齊王劉肥長沙王吳芮來朝長樂宮夏五月太上皇崩于櫟陽宮秋七月癸卯葬太上皇于萬年赦櫟陽囚死罪以下八月令諸侯王皆立太上皇廟于國都更命酈邑曰新豐九月代相國陳豨反豨少時常慕魏公子無忌之養賢及爲相守邊接下賓客從車千

通志

卷五上

前漢紀五上

五

餘乘初豨適代時辭淮陰侯韓信信既廢怨望乃與豨謀曰趙代精兵處也公反於外上必自出吾從中起天下可圖也至是豨與王黃等劫掠代地上曰代地吏民非有罪也能去豨黃來歸者舍之上自東擊豨至邯鄲上喜曰豨不南據邯鄲而阻漳水吾知其亡能爲也趙相周昌奏常山二十五城亡其二十城請誅守尉上曰守尉反乎對曰不上曰是力不足亡罪上令周昌選趙壯士可令將者白見四人上嫚罵曰豎子能爲將乎四人慙皆伏地各封千戶侯以爲將左右諫曰從入蜀漢伐楚賞未徧行今封此何功上曰非汝所知陳豨反趙

通志

卷五上

前漢紀五上

五

代地皆豨有吾以羽檄徵天下兵未有至者今計唯獨邯鄲中兵耳吾何愛四千戶不以慰趙子弟皆曰善又求樂毅之後得其孫敖封之樂鄉號華成君問豨將皆故賈人上曰吾知與之矣乃多以金購豨將豨將多降十一年冬十月上在邯鄲豨將侯敞將萬餘人游行王黃將千餘騎軍曲逆張春將卒萬餘人渡河攻聊城漢將軍郭蒙與齊將擊大破之太尉周勃道太原入定代地至馬邑馬邑不下攻殘之豨將趙利守東垣上自攻之不下月餘卒罵上上怒城降令出罵者斬之不罵者原之諸縣堅守不降反寇者復租賦三歲春正月淮陰

侯韓信謀反長安與陳豨爲內應呂后以蕭何謀執信
斬之夷三族將軍柴武斬韓王信於參合上還洛陽詔
曰代地居常山之北與夷狄邊趙乃從山南有之遠數
有胡寇難以爲國頗取山南太原之地益屬代代之雲
中以西爲雲中郡則代受邊寇益少矣王相國通侯吏
二千石釋可立爲代王者羣臣皆曰子恆賢知溫良請
立以爲代王都晉陽大赦天下二月詔曰欲省賦甚今
獻未有程吏或多賦以爲獻而諸侯王尤多民疾之令
諸侯王通侯常以十月朝獻及郡各以其口數率人歲
六十三錢以給獻費又詔曰古之王伯皆待賢人而成
通志

卷五上

前漢紀五上

三

名今天下賢者忠在人主不交士士奚由進賢士大夫
有肯從我游者吾能尊顯之布告天下使明知朕意御
史大夫昌下相國相國鄼侯下諸侯王御史中執法下
郡守其有意稱明德者必身勸爲之駕遣詣相國府署
行義年有而弗言覺免年老癯病勿遣三月梁王彭越
謀反廢遷蜀道逢呂后泣訴無罪呂后與俱還誅之夷
三族立子恢爲梁王子子友爲淮陽王罷東郡頗益梁罷
潁川郡頗益淮陽夏四月行自洛陽至今豐人徙關中
者皆復終身五月詔曰粵人之俗好相攻擊前時秦徙
中縣之民於南方三郡

桂林象
郡南海

使與百粵雜處會天下

誅秦南海尉佗

徙何切
姓趙

居南方長治之甚有文理中縣

人以故不耗滅粵人相攻擊之俗益止俱賴其力今立

佗爲南粵王使陸賈卽授璽綬佗稽首稱臣六月令士

卒從入蜀漢關中者皆復終身秋七月淮南王布反上

問諸將滕公言故楚令尹薛公有籌策上召見薛公言

布形勢上善之封薛公千戶羣臣請立子長爲淮南王

上乃發上郡北地隴西車騎巴蜀材官及中尉卒三萬

人爲皇太子衛軍霸上布果如薛公言東擊殺荊王賈

劫其兵渡淮擊楚楚王交走入薛上赦天下死罪以下

皆令從軍徵諸侯兵上自將以擊布與布遇于蘄西會

通志

卷五上

前漢紀五上

三

涇

蘄縣
鄉名

十二年冬十月上與布戰大破布軍布走江南令別將

追擊之上還過沛留置酒沛宮悉召故人父老子弟佐

酒發沛中兒得百二十人教之歌酒酣上擊筑自歌曰

大風起兮雲飛揚威加海內兮歸故鄉安得猛士兮守

四方令兒皆和習之上乃起舞愴傷懷泣數行下謂

沛父兄曰游子悲故鄉吾雖都關中萬歲之後吾魂魄

猶樂思沛且朕自沛公以誅暴逆遂有天下其以沛爲

朕湯沐邑復其民世世無有所與沛父老諸母故人日

樂飲極歡道舊故爲笑樂十餘日上欲去沛父兄固請

留上曰吾人衆多父兄不能給乃去沛中空縣皆之邑
西獻上復留止張飲三日沛父兄皆頓首曰沛幸得復
豐未得惟陛下哀憐之上曰豐吾所生長極不忘耳特
爲其以雍齒故反我爲魏沛父兄固請乃并復豐比沛
上至長安立新豐縣初上以太上皇思土欲歸豐故作
是縣徙豐民以實之遷豐之榆枌城寺市里不易其舊
縱雞犬亦知歸止凡豐人徙關中者皆復終身漢別將
擊布軍洮水南北皆大破之追斬布番陽周勃定代斬
陳豨於當城詔立郃陽侯仲之子沛侯濞爲吳王十一

月行自淮南還過魯以太牢祠孔子十二月詔曰秦始

通志

卷五上

漢前紀五上

四

皇帝楚隱王

陳勝

魏安釐王

釐音僖昭王之子

齊愍王

宣王之子

趙悼

襄王

孝成王之子

皆絕亡後其子秦始皇帝守冢二十家楚

魏齊各十家趙及魏公子無忌各五家令視其冢復亡
與他事陳豨降將言豨反時燕王盧縮使人之豨所與
陰謀上使辟陽侯審食其迎縮縮稱疾食其歸具言縮
反有端春二月使樊噲周勃將兵擊縮詔曰燕王縮與
吾有故愛之如子聞與陳豨有謀吾以爲亡有故使人
迎縮縮稱疾不來謀反明矣燕吏民非有罪也賜其吏
六百石以上爵各一級與縮居去來歸者赦之加爵亦
一級羣臣請立子建爲燕王詔曰南武侯織亦粵之世

也立以爲南海王三月詔曰吾立爲天子帝有天下十二年于今矣與天下之豪士賢大夫共定天下同安輯之其有功者上致之王次爲列侯下乃食邑而重臣之親或爲列侯皆令自置吏得賦斂女子公主爲列侯食邑者皆佩之印賜大第室吏二千石徙之長安受小第室入蜀漢定三秦者皆世世復吾於天下賢士功臣可謂亡負矣其有不義背天子擅起兵者與天下共誅之布告天下使明知朕意上擊布時爲流矢所中行道疾疾甚呂后迎良醫醫入見上問醫曰疾可治否醫曰可治上慢罵之曰吾以布衣提三尺劍取天下此非天命

通志

卷五上

前漢紀五上

五

乎命乃在天雖扁鵲何益遂不使治疾賜黃金五十斤罷之已而呂后問曰陛下百歲後蕭相國卽死令誰代之上曰曹參可問其次曰王陵可然少韜竹卷切陳平可以助之陳平智有餘然難獨任周勃重厚少文然安劉氏者必勃也可令爲太尉又問其次上曰過此後亦非乃所知也盧綰與數千人居塞下候伺幸上疾愈自入謝夏四月甲辰帝崩于長樂宮年六十二瓚曰帝年四十二卽位卽位十二年盧綰聞之遂亡入匈奴呂后與審食其謀曰諸將故與帝爲編戶民北面爲臣心常怏怏今乃事少主非盡族是天下不安以故不發喪人或聞以語將軍

酈商商往見食其曰聞帝已崩四日不發喪欲誅諸將
誠如此天下危矣陳平灌嬰將十萬守滎陽樊噲周勃
將二十萬定燕代比聞帝崩諸將皆誅必連兵還鄉以
攻關中大臣內畔諸將外反亡可躡足待也食其入言
之乃以丁未發喪大赦天下五月丙寅葬長陵凡二十
三日而
葬長陵在長
安四十里 已下皇太子羣臣皆反至太上皇廟羣臣
皆曰帝起細微撥亂世反之正平定天下爲漢太祖功
最高上尊號曰高皇帝太子襲號爲皇帝是爲惠帝令
郡國各立高祖廟以歲時祠之及孝惠五年思高祖之
悲樂沛以沛宮爲高祖原廟高祖所教歌兒百二十人
皆令爲吹樂復有關輒補之漢史曰高祖不修文學而
性明達好謀能聽自監門戍卒見之如舊初順民心作
三章之約天下既定命蕭何次律令韓信申軍法張蒼
定章程叔孫通制禮儀陸賈造新語又與功臣剖符作
誓丹書鐵契金匱石室藏之宗廟雖日不暇給規模宏
遠矣

高帝卽位十二年

孝惠皇帝名盈之字曰滿高祖八子孝惠其次也實嫡
故漢王二年年五歲立爲太子高祖十二年四月崩崩
二十有三日太子乃卽皇帝位實五月丙寅也尊高后

通志

卷五上

前漢紀五上

三

曰皇太后賜吏民爵各有差其給喪事將軍以下至佐
史長吏賜金錢各有差六百石以上有罪當盜械者皆

頌繫之頌繫者處曹吏舍不入陞牢頌音容上造以上及内外公孫耳仍音

孫有罪當刑及當為城旦舂者皆耐為鬼薪白粲上造第二

爵城旦者旦起行治城舂者婦人舂米皆四歲刑鬼第二

薪者取薪給宇廟白粲者擇米使正白皆三歲刑民

年七十以上十歲以下有罪當刑皆完之吏六百石以

上及故二千石家惟給軍賦他無有所與令郡諸侯王

立高廟減田租復十五稅一

元年冬十二月趙隱王如意薨民有罪得買爵三十級

以免罪賜民爵戶一級春正月城長安應劭曰一級直錢二千凡為六

通志卷五上前漢紀五上三

萬若今贖罪入縲三十疋矣師古曰令出買爵之錢以贖罪

二年冬十月齊悼惠王來朝尊魯元公主為太后春正

月癸酉有兩龍見蘭陵家人井中三日不見隴西地震

夏旱郃陽侯仲薨秋七月辛未相國何薨

三年春發長安六百里内男女十四萬六千人城長安

三十日罷以宗室女為公主嫁匈奴單于夏五月立閭

越君搖為東海王六月發諸侯王徒隸二萬人城長安

-5 155 45 955" data-label="Text">

秋七月都廐災南越王趙佗稱臣奉貢

四年冬十月壬寅立皇后張氏張敖之女帝姊魯元公主所生春正月

舉民孝弟力田者復其身三月甲子皇帝冠赦天下省

法令妨吏民者除挾書律長樂宮鴻臺災宜陽兩血秋七月乙亥未央宮凌室災丙子織室災

五年冬十月雷桃李華棗實春正月復發長安六百里內男女十四萬五千人城長安三十日罷夏大旱秋八月己丑相國參薨九月長安城成賜民爵戶一級

六年冬十月辛丑齊王肥薨令民得賣爵女子年十五以上至三十不嫁五算夏六月舞陽侯噲薨起長安西

市修敖倉國語越王句踐令國中女子年十七不嫁者百二十錢唯賈人與奴婢倍算今使五算罪誦之也

七年冬十月發車騎材官詣滎陽太尉灌嬰將春正月

通志 卷五上 前漢紀五上 完

辛丑朔日有蝕之夏五月丁卯日有蝕之既秋八月戊

寅帝崩于未央宮九月辛丑葬安陵諡孝惠皇帝漢家自孝

惠後加諡之上皆以孝字

孝惠帝卽位七年

臣謹按漢呂唐武之后立紀議者紛紜不已殊不知紀者編年之書也若呂后之紀不立則八年正朔所系何朝武后之紀不立則二十年行事所著何君不察實義徒事虛言史家之大患也

高皇后呂氏名雉字娥姁計于切高祖微時娶之生孝惠

帝魯元公主及高祖爲漢王得定陶戚姬愛幸生趙隱

王如意孝惠仁弱高祖以爲不類我雖已爲太子常欲廢之而立如意曰如意類我賴大臣爭之及留侯策太子得毋廢呂后爲人剛毅佐高祖定天下所誅大臣多后力父兄及高祖而侯者三人父臨泗侯長兄澤周呂侯次兄釋之建成侯澤死事封其二子台爲酈侯產爲交侯惠帝立尊爲太后太后最怨戚夫人及其子乃徵趙王而鳩之又殘戚夫人以爲人詭孝惠見之而大哭因病歲餘不能起使人謂太后曰此非人所爲臣不堪爲太后子終不能治天下以此日飲爲淫樂不聽政皇后張氏無子呂后取後宮美人子殺其母立爲太子孝惠崩立太子爲帝年幼太后臨朝稱制初惠帝之崩太后哭而不泣留侯子張辟彊爲侍中年十五謂丞相陳平曰太后獨有帝今哭而不悲君和其解乎丞相曰何解辟彊曰帝亡壯子太后畏君等君今請拜呂台呂祿呂產爲將將兵居南北軍及諸呂皆入宮居中用事如此則太后必安君等幸脫禍矣平從其計太后哭乃哀於是立兄子呂台產祿台子通四人爲王封諸呂六人爲列侯呂氏之權由此起

元年春正月詔曰前日孝惠皇帝言欲除三族罪妖言令議未決而崩令除之二月賜民爵一級初置孝弟

力田二千石一人夏五月丙申趙王宮叢臺災立孝惠後宮子彊爲淮陽王不疑爲恆山王弘爲襄成侯朝爲軹侯武爲壺關侯秋桃李華

二年春詔曰高皇帝匡飭天下諸有功者皆受分地爲列侯萬民大安莫不受休德朕思念至於久遠而功名不著亡以尊大誼施後世今欲差次列侯功以定朝位藏于高廟世世勿絕嗣子各襲其功位其與列侯議定奏之丞相臣平言謹與絳侯臣勃曲周侯臣商潁陰侯臣嬰安國侯臣陵等議列侯幸得賜餐錢奉邑陛下加惠以功次定朝位臣請藏高廟奏可春正月乙卯地震通志

卷五上

前漢紀五上

四

羌道武都道山崩夏六月丙戌晦日有蝕之秋七月恆山王不疑薨以其弟襄成侯爲恆山王更名義行八銖錢

三年夏江水漢水溢流民四千餘家秋星晝見四年夏少帝旣長自知非皇后子出怨言皇太后幽之永巷詔羣臣議更立五月丙辰立恆山王義爲皇帝更名弘

五年春南越王尉佗自稱南武帝秋八月淮南王彊薨九月發河東上黨騎屯北地

六年春星晝見夏四月赦天下秩長陵令二千石六月

城長陵匈奴寇狄道攻河陽行五分錢

七年冬十二月匈奴寇狄道略二千餘人春正月丁丑趙王友幽死于邸己丑晦日有食之既以梁王呂產爲相國趙王祿爲上將軍立營陵侯劉澤爲琅邪王夏五月辛未詔曰昭陵夫人太上皇妃也武哀侯宣夫人高皇帝兄姊也號諡不稱其議尊號丞相平等請尊昭靈夫人曰昭靈后武哀侯曰武哀王宣夫人曰昭皇后六月趙王恢自殺秋九月燕王建薨南越侵盜長沙遣隆慮侯竈將兵擊之

八年春封中謁者張釋卿爲列侯諸中官宦者令丞皆

通志

卷五上

前漢紀五上

聖

賜爵關內侯食邑春三月太后被還軹道見物如倉狗

據音后掖忽弗復見卜云趙王如意爲祟太后遂病夏

江水漢水溢流萬餘家秋七月太后病甚誠產祿曰高

帝已定天下與大臣約曰非劉氏王者天下共擊之今

呂氏王大臣弗平我卽崩帝年少大臣恐爲變必據兵

衛宮慎毋送喪毋爲人所制辛巳皇太后崩于未央宮

遺詔以呂產爲相國諸呂用事自知背高祖約恐爲大

臣諸侯王所誅因謀作亂時齊悼惠王子朱虛侯章及

其弟東牟侯興居皆在京師朱虛侯婦呂祿女也陰知

其謀潛令人告其兄齊王令發兵西章與太尉勃丞相

平爲內應以誅諸呂齊王遂發兵又詐琅邪王澤發其國兵并將而西產祿等遣大將軍灌嬰將兵擊之嬰至滎陽使人諭齊王與連和待呂氏變而共誅之是時趙王祿梁王產各將兵居南北軍太尉勃不得入軍中主兵乃與丞相平謀以曲周侯酈商老病其子寄與呂祿善使人劫商令寄給說祿曰高帝與呂后共定天下劉氏所立九王呂氏所立三王皆大臣之議事已布告諸侯王諸侯王以爲宜今太后崩帝少足下旣佩趙王印不急之國守藩乃爲上將將兵留此爲大臣諸侯所疑何不速歸將軍印以兵屬太尉請梁王亦歸相國印與

通志

卷五上

前漢紀五上

聖

大臣盟而之國齊兵必罷大臣得安足下高枕而王千里此萬世之利也祿然之使人報產及諸呂老人或以爲不便計猶豫未有所決祿信寄與俱出游獵過其姑呂嬃嬃大怒曰若爲將而棄軍呂氏今無處矣乃悉出珠玉寶器散堂下曰毋爲他人守也八月庚申旦平陽侯宙行御史大夫事宙曹參子也見相國產計事郎中令賈壽使從齊來因數產曰王不早之國今雖欲行尙可得邪具以灌嬰與齊楚合從狀告產乃趣產入宮宙聞其語馳告丞相平太尉勃勃欲入北軍不能得襄平侯紀通尙符節乃令持節矯內勃北軍勃復令寄與典

客劉揭說祿曰帝使太尉守北軍欲足下之國急歸將
印辭去不然禍且起祿遂解印屬典客而以兵授太尉
勃勃入軍門行令軍中曰爲呂氏右袒爲劉氏左袒軍
皆左袒勃雖將北軍然尙有南軍丞相平召朱虛侯章
佐勃勃令章監軍門令平陽侯告衛尉毋內相國產殿
門產不知祿已去北軍乃入未央宮欲爲亂殿行弗內
徘徊往來平陽侯馳告太尉勃勃尙恐不勝諸呂未敢
誦言誅之乃謂朱虛侯章曰急入宮衛帝章從勃請卒
千人入未央宮掖門見產延中日舖時遂擊產產走天
風大起以故從官亂莫敢鬪逐產殺之郎中府吏舍厠
中章已殺產帝命謁者持節勞章章欲奪節謁者不肯
章乃從與載因節信馳斬長樂衛尉呂更始還入北軍
復報太尉勃勃起拜賀章曰所患獨產今已誅天下定
矣遂遣人分部悉捕呂氏男女無少長皆斬之辛酉捕
斬呂祿而笞殺呂嬖使人誅燕王呂通而廢魯王張偃
遣朱虛侯以誅諸呂事告齊王令罷兵灌嬰兵亦罷榮
陽而歸諸大臣相與陰謀曰少帝及梁淮陽常山王皆
非眞孝惠子呂后以計詐名他人子殺其母養後宮令
孝惠子之今皆不可立齊悼惠王之適子爲齊王高帝
之長孫也然呂氏以外家惡幾危家廟今齊王母家駟

駟鈞惡人也卽立齊王則復爲呂氏淮南王少而母家
又惡惟代王方今高帝見子最長仁孝寬厚太后家薄
氏謹良且立長故順以仁孝聞於天下便迺相與共陰
使人召代王代王使人辭謝再反然后乘六乘傳後九
月晦日已酉至長安舍代邸大臣皆往謁奉天子璽上
代王共尊立爲天子代王數讓羣臣固請然後聽東牟
侯興居曰誅呂氏吾無功請得除宮乃與太僕汝陰侯
滕公入宮前謂少帝曰足下非劉氏不當立乃顧麾左
右執戟者掎音兵罷去有數人不肯去兵宦者令張澤

諭告亦去兵滕公乃召乘輿車載少帝出少帝曰欲我

通志 卷五上 前漢紀五上 罌

將安之乎滕公曰出就舍舍少府迺奉天子法駕迎代
王於邸報曰宮謹除代王卽夕入未央宮有謁者十人
持戟衛端門曰天子在也足下何爲者而入代王乃謂
太尉太尉往諭謁者十人皆掎兵而去代王遂入而聽
政夜有司分部誅滅梁淮陽常山王及少帝於邸呂后
合葬長陵關中記曰高祖陵在西呂后陵在東漢帝
后同塋則爲合葬不必同陵也諸陵皆然

高后稱制八年

